

14  
1544  
145



14  
1544  
145

華山詩集卷十八

綿州李調元雨村

丙申

乾隆四十一年二月初九日扈隨 聖駕東巡出

都展謁 東陵恭紀

二月東巡狩 攀輿此日行 祀從登岳舉禮待謁

陵成 鳳閣雲猶近 龍旗雨乍晴 微臣慙列宿 曉發

尚星明

自潞河至白河作

扈蹕介茲始 郵錢報雨河沙平 春水潤 漸近夜曉多馬

華山詩集卷十八

14  
1544  
195

章山詩集卷十八

綿州李調元雨村

丙申

乾隆四十一年二月初九日扈隨 聖駕東巡出

都展謁 東陵恭紀

二月東巡狩 鑾輿此日行 祀從登岳舉禮待謁

陵成 鳳闕雲猶近 龍旗雨乍晴 微臣慙列宿 曉發

尚星明

自潞河至白河作

扈蹕今茲始 郵籤報兩河 沙平春水濶 海近夜帆多 馬

章山詩集卷十八

色團雲錦人聲雜玉珂幾時冰始泮已覺曉風和

宿龍福寺

浮雲猶在嶺落日已斜坡野宿正風大山深樹葉多不  
眠時有夢無韻自成哦夜半鐘聲動茫茫客感何

聖駕 駐蹕桃花寺聞金川紅旗捷報恭紀四首

鑾輿初自謁 陵回快聽天西捷報來一騎如飛驚夜

電萬人權拜擁春雷雲排闥闥 天顏喜星落欖槍曉

色開欲慰 慈闈先遣奏還 宮知獻萬年杯

神威殲醜本 宸衷將帥恩兼授鉞隆是日雪山馳檄

定當年劔閣勒銘同街中舊已臬元濟

僧格桑父子  
先已蒙銜棧

外新傳縛李雄從此 帝憂釋西顧羽書不到建章宮

桃花寺裡駐 行旌更聽桃關奏凱聲困獸負隅終就

瓦遊魚在釜豈逃生風清玉壘春銷甲 雨過金川夜洗

兵省却軍供民力緩扶藜父老頌昇平

久知宵旰 聖躬勤誰草相如論蜀文忽報崑崙二鼓

奪遙知霹靂百蠻聞 鳳綸傍日頒 恩詔虎將凌烟

策上勲耳筆聊當鏡吹曲呼嵩齊祝 聖明君

過盧溝橋一首

征車如水響如絲曙到盧溝尚未遲細數十迴經此路

最榮今日扈 鑿時

章山詩集 卷十八

晨光初動 禁城開路柳爭春綠意回 五色祥雲籠兩  
岸遙瞻 黃纒日邊來

聖駕幸南海子大獵恭紀

一聲警蹕露臺高萬馬來圍靜不囂猿臂健兒腰紫電  
龍鞍 天子佩烏號趨來月兔鷹初放追去星狼犬競  
嗥最是小臣慙獻賦長楊不敢筆輕操

射虎行

春草叢茸滌陰縣 玉輿初駐南海甸爭傳 天子射  
虎來繞場肩揜萬人看虎圈放虎將出圈四圍甲士如  
組練手中丈八勃盧矛各各排列如欲戰人妨虎亦虎

欲出耽耽先顧盼 緜緜旅獒環相噬羽林飛矢如  
忽聞一聲吼山裂奔出六軍皆色變是時吾 皇

馭 鑣千騎如雲下 行殿一箭橫穿洞胸膈長殺如  
麻槊交攔須臾先後斃三虎血濺平郊互噴噴天爲不  
風地爲肅萬衆無聲手猶顫如茲惡類盡剪除君王神  
武真希見爲語吾 皇非好娛除暴安良去以患卽看  
烏圍亦負嶋掃平不讓天山箭再馳雜種俱蕩夷巨魁  
就縛無一竄何況區區傳翼徒何不彼美乃此美

直沽二首

通漕聲來諸舶帆檣聚一沱沙邊河蚌出潮過海魚多

兵戎柳爲堡人家葦織蓑夜來明月上處處有笙歌  
不爲風餐苦偏因露宿娛蜀魚思丙穴吳米足丁沽海  
日明常早江烟澹欲無津門來咫尺好覓酒家胡

天津府

綠柳長橋跨彩虹樓臺金碧畫圖中樹蒸海氣三春雨  
岸拍河聲一夜風番舶帆來雲欲黑鑿輿駐處口偏  
紅津門故是繁華地此日來遊更不同

楊柳青

管絃隨畫舫曲折逐郵亭天雨蔚藍碧人烟楊柳青煙  
深村不辨雨過市微腥此地魚蝦賤誰爲倒醪醴

登滄洲朗吟樓

先君曾  
牧此州

麻姑城上朗吟樓鎖斷風烟數百秋乘鶴仙人今去遠  
騎鯨客子昔來遊瀛洲未解三生恨滄酒難消萬斛愁  
長嘯一聲自歸去白雲終古兩悠悠

曉過東光縣

我過棘津道熹微天未明麥田春雨潤柳岸曉風清馬  
老自知路人忙不計程何爲春塞雁日夜事長征

德州謁董子祠

下帷人已去留得讀書堂繁露一爲展流風千載香江  
都聞事業德郡見蒸嘗我笑平津老膠西欲中傷

晏子祠

齊相遺祠在流連想故踪如何越石薦獨沮仲尼封像  
是朝冠濯門非近市衝夕陽春社鼓祭賽祇田農

和儀部陳介溪

其悅

靈巖寺韻

凌霄萬嶂擁青鬢百折丹梯近可攀佛塔高於飛鳥上  
流泉低出古松間頂摩樹在僧何在面壁苔斑像復斑  
事輸君君應笑碧雲深處我先還

贈衛訥齋卽用其韻

十年睽面會無期乍見顏眉欲認遲梁孝園中曾舊識  
靈巖塔下似新知未除家氣猶爭坐尚有閒情愛着棋

多謫泰山賢太守送來魯酒恰盈卮

登泰山二首

嶽長東皇勢鬱蟠崔巍上逼九霄寒天開翠黛三千里  
地聳青螺十八盤遠接黃河環似帶近探白日小如丸  
平生登覽寰區遍始覺今朝眼界寬  
果是陰晴各異形芙蓉朵朵變青冥鷄鳴海日三更赤  
鳥入齊烟九點青地府黃昏飛夜雨天門白晝走風霆  
昨宵偶到層巔宿親見靈輶信有靈  
御製行宮泉林八景恭和

近聖居

近聖人之居言出子輿氏乃所願則學今聖復如是  
遙知玉輦留亟稱水哉水

在川處

至誠本悠遠如川流不息尼山偶與會豈必泗水側所  
以吾與黜率爾未能識

鏡瀾榭

一人俯清流萬象本俱屏况復見菱花細寫藻荇影月  
到潭心時心與月俱靜

橫雲館

陪尾本不高築館臨清泓玉乳何洞漩漱芳清且美便

從水邊坐坐見暮雲起

九曲釣

名泉號珍珠佳名標九曲臨流奉宸遊幽趣實遠俗

清水何鱗鱗時有鷺拳足

柳烟波

春姿何纏綿垂柳習行殿彷彿御溝流陰陰奉清宴

不復知烟深流鶯時一轉

古蔭堂

修廊在深處窈窕隨清樾掃地坐焚香夜來更幽絕杞  
樹動微風竹梢見明月



紅雨亭

暮春百花殘，緋枝包未吐，似知翠輦來，獨留香在樹。  
曉來一雨過，霏霏紅滿塢。

懷朱子頴

吾友子頴子，氣可一世蓋。詩思李白豪，酒量劉伶大。今  
年舜東巡，正值君報最。姓名達主知，詩畫面奏對。賤  
子忝扈從，聞之喜不寐。豈意別匆匆，人叢失交臂。此行  
快事雙見君，復見岱回首。萬仞高人岱，兩不在。

題桂山扁舟出峽圖

巫山若畫屏，十二晚峰青。一夜辭巴峽，明朝入洞庭。崖

高藏颯颯灘，亞走雷霆之子胡。為者長歌出杳冥。

好是東山侶，生憎南浦波。送君千里去，奈此萬愁何。白

帝斜陽外，黃牛暮雨多。不堪圖畫裏，重憶下渝歌。

和張雲谷中秋留別元韻

昔年曾記泛滄洲，楓葉蘆花寫客愁。作吏羨君鳧作履，  
為郎愧我雪盈頭。虛名每代將父卜，過愛多因借箸籌。  
此夜鄉思還倍切，淡烟喬木憶綿州。

桂山和雲谷中秋詩有堪笑雨村老居士燭花剪

盡尚勾留之句，再和答之。

底事狂吟未肯休，今宵要補昨宵遊。清談人至能驚座

讀書詩成勝倚樓桂山有最愛客共喜主人懷是月若  
無佳客室如秋桂山老去顏唐甚欲作平原十日留

題家桂山秋江載書圖

尔本今之詩狂者非李太白不取也桂山獨欲掣鯨魚  
倒捲黃河九天瀉天有古月青銅磨地有五岳森嵯峨  
盡入先生錦繡口噴作雲霞供嘯哦前年作吏黔江涘  
人當詩人不當吏飄然五柳歸去來侯門一笑羞投刺  
白鹽赤甲思故鄉巫山欲問楚襄王自言世無識我矣  
兩岸啼猿知我腸朝來示僕秋江軸翠栢丹楓聲肅肅  
醉中一覽爲飄然書豈在船在君腹桂山桂山今其行

鼓椎恐觸蛟龍驚洞庭木落倘再過慎勿投詩弔屈平

借雲谷桂山食鱔分韻得乞字

明月上東墻高齋客去訖主人獨留髡珍錯羅海物腥  
風滿座來尖團出強倔洗盞更咀嚼怪雨聲彷彿有腸  
納無腸甲兵胸鬱岨氣味和椒橙爛醉衣袖拂持螯兼  
有酒何必向鄰乞平生稻梁謀殊愧榮華蔽及茲更凜  
然保身叅密勿君肯留承明相招樂豈不

八月中秋同人讌集雲谷借樹軒分韻得相字

今夕置酒樂未央自有此月無此光對月當歌歌慨慷  
滿堂聽我聲洋洋我歌乃在岷山之麓廣漢之陽沱江

東下千里百里欲入海至此迴瀾有似臨崖勒任奔馬  
韉沉犀滲漉毓清氣豐城劍冲牛斗旁天遣下視何吉  
祥中有一人其姓張手織雲錦分天章鮫梭剝剝皆鸞  
凰二十八宿驚避藏不敢報天聽其狂遂使縱橫詞墨  
場邇來便覺鋒增鋒雲霞五色金玉相當其真心造化  
忙下筆直倒三峽江翻濤攪浪不肯任意欲手摘龍耳  
剝鰲腹拔鯨尾以與光燄萬丈之李杜爭豪強海驪不  
復抱珠睡老蚌含胎空喻張故令今夜月倍皎恐君與  
月爭寒芒斗轉河漢雲茫茫君當膏車歸大梁明年此  
月知何當青天雁字遙相望對月當歌歌慨慷

桂山自黔學孫補山幕來京將由廬州回蜀二首  
門如羅雀未嘗開有客長歌歸去來自說不搖求食尾  
誰憐長暴報恩腮一生知己韋臯幕四海傳君宋玉才  
放爾江湖且疎散人間恐有復燃灰

飄然鼓椎入夔關千載高風未許攀名紙毛生難久住  
怒飛翼短不如還諱窮誰識心偏苦君有境到傷心臨  
轉諱窮之句  
老渾亡鬢已斑倘過巢湖思景畧爲余憑弔八公山

八月朔日奉題少宰德定圃座師樂賢堂圖卽用  
司空董蔗林詒同年韻

癸未夏之交初御龍門轡玉筍參杏園惟聽探花使鐵

網誰搜羅羣珍率麋至堂堂我夫子掄材百物備開來  
 開東閣宮牆見深遠是時炎雲蒸槐陰滴清翠文譙擁  
 臯比脫畧無拘累坐來絳紗中如草含薰氣夾帶接風  
 流鑿坡傳韻事一自撫海南目斷文身地調也得追隨  
 甲午秋月季宦途重文衡培植尤加意今年領天曹榜  
 櫟仍不棄只可談風月徐勉有同契愛才饑渴心何曾  
 立厓異藥籠平生忝窮單尚為帳以此期報德年來未  
 嘗醉相如賦子虛班固作賓戲披圖一無能聊抒心所  
 寄

同藝圃給諫鷺州侍御法源寺看菊是日送桂山

歸蜀

拋却眉間萬斛愁今年又作法源遊一齋飽餽日方午  
 萬菊爭開天正秋雨霽鐘聲殷佛殿夕陽樹影挂僧樓  
 無情最是南歸客行李河橋欲上舟


送華陽明府蔣峙南兆奎卓觀記名回任

遽然便別意何甘廿載情懷只立談名在 御屏 天

子識澤多鄉梓故人誼一樽未得同燕市隻騎猶思訪

渭南倘過吾家綿水畔煩君垂問暫停驂丙子與君俱  
自浙回籍鄉

試魯至渭  
南相訪



童山詩集卷十九

綿州李調元雨村

丁酉

幾何主人歌

幾何主人身姓櫟自言樂浪少知友  
 獨與余逢開笑口以指畫地琉璃東  
 試酌新年椒柏酒頰覺唾咳生清風  
 落筆霏霏如屑玉可憐握手意無窮  
 二月春城花亂飛天津冰泮黃華肥  
 薊門柳色空依依幾何子歸何速人  
 生最苦天一方那

童山詩集 卷十九  
堪見面情初熟幾何子歸何遲家有小阮正相憶唱和  
還應勝此時

漫言

漫言皮裏有陽秋時抱虞卿著述愁誰把詩名傳海外  
看雲樓集客來求

題給諫家藝圃 漱芳小照四幅

昔君居考功手裁甚英偉每於事失平堅不署紙尾時  
余值銓鏡無蹊竊自比骭麟在人羣共稱蜀二李當時  
頗意氣碌碌無餘子豈知不數年蹭蹬俱可鄙禮秩雖  
閑曹瑞錦窠亦美名者造物忌摧折或其理相期報國

恩努力自茲始 蘭省晚歸

求忠必孝門古人言必中所以晉王褒蓼莪廢不誦讀  
君斷雁圖淚滴臯魚痛瓠獨亦哀哉墳篋少伯仲不如  
百足蟲尚有扶者衆以此矢樹立豈曰非時棟善感本  
家風一振朝陽鳳至今天下士直聲無與其下以慰先  
人林下可含弄 白雲斷雁

瞿塘天下險洪濤高百丈我魯兩過之幸免魚腹葬君  
胡歸去來巨纜牽舟上借問中何有萬卷書盈舫永和  
擁百城此意聊相抗絳帳或可融天祿何必向祇以教  
子孫不在取卿相猿聲三峽月歷盡幾千嶂崎嶇一夢

回試問書無恙載書過峽

君恩尚未報臣心敢言歸得毋學張翰秋風思鱸肥與  
君生連理相交心不違仕宦二十載苦憶山中扉茅簷  
在何許高高浮翠微雲自出無心鳥亦時倦飛因君感  
鄉思欲去還念非豈不懷高尚如此主恩希大易有  
至言所貴神乎幾茅簷望闕

題趙象九廷鼎同年夢遊海山圖

何人夜呼祁孔賓開門瀕洞渺無垠蓬萊弱水三萬里  
去來只駕垂天雲我本峨嵋一老禿不願求仙不願佛  
看我他年五嶽回問君黃梁熟未熟

和鐵冶亭保聽程魚門音芳說鬼元韻

李子龕豪膽無比一生畏人不畏鬼髯翁偏以鬼駭人  
千萬魍魎出裨史言雖鑿鑿事不經月黑夜靜風初停  
猗鬚髯燈下見紙窻颯沓來芻靈幽冥百怪如親臨  
四座聞之頸爲縮坐令陰風透體寒擁衾不敢開雙目  
髯翁說鬼極鬼奇鐵子詩更分妍媸竊疑二子是二鬼  
十日不許來吾帷君不見阮瞻作論少人測疑心皆自  
生暗棘世間爲蛾莫如人人若爲厲禳不得安得東南  
尺郭人兼鑄南山鍾尅神吞盡鬼人不作孽彼鬼彼鬼  
何足曠

將歸劍南留別京中諸子二首

十畝田園歸去來圖書萬卷手親開謫官後買書萬卷並無天

厄誰當怨豈有人擠自不才宦志已經盡銷鑠君恩

苦未報涓埃他時曝背柴門下長望南山獻壽杯羅江醒園

對岸南山

學道難成視玉津連年病苦藥君臣本無遠志書方寄  
但道當歸車已巾夢裏漏聲猶五夜手中衣線惜三春  
只愁貧到無錐立一醉須防換告身

五月二十九日蒙 恩復官恭紀仍用前韻

恩綸一日共傳來萬口喧呼喜色開白分戴盆天失望

誰知撒燭 帝憐才重銜紙尾慙新署再着新冠拂舊

埃兒輩亦知叨異數團團共話滂盈杯

聖恩浩蕩本無津何意偏加蠶蝨臣長笑相如緣狗監

漫誇太白拭龍巾樗材自合為時棄枯木寧知遇日春

從此自期如李泌別無他物獻孤身

題李懷德醉翁圖

六月六月方晒書酒香撲鼻來座隅白鷺平生滴不飲

胡為漚流如麴車細觀誰所圖落筆有神助手捧顛鸞

杓童子能解趣何處老秃翁倒盡醪醑露得非陶靖節

疑是畢吏部古人飲酒留其名今人飲酒戕其生龍頭



鶴髮前賢語自警聊當座右銘

時子方蒙恩復官故云特

落花生歌

爲柳幾何及其任惠風作

我聞黃梅四祖偈無人下種華無生獨此花生卽爲種  
花落結實如坻京其生滋蔓若藤菜細葉牽露朝含英  
金絲飛墮輕無語沙中甲拆春雷鳴以花爲媒非爲母  
媒卽其母實其嬰此種粵蜀賤非貴北人包裹遺公卿  
今春柳子來過訪屠蘇正熟相歡迎坐間花菓細辨證  
一一多識吾所兄就中獨此詔未賂特與覲縷詮物情  
懷歸戲載果下馬要試友輩猜相瞠昨者長鬚投翠織  
開緘騷句兼屈平本草圖經補未備異邦小阮重留名

日中有某人何在相思但願身翎輕可憐困鈍真老矣  
何時再與鷗相盟

題松陰調鶴圖

爲徐鐵菴作

何年仙人遺五粒根蟠琥珀化爲石一宵風雨長髯龍  
撐起清森半天碧黑捲太陰雲霾開有鳥飛自丹山來  
盤旋欲下不肯下天高野闊相徘徊幽人岸曠青霄立  
昂昂忽訝雞羣入怪來好夢揚州回露華曉墮胎禽濕  
應知好爵方和鳴聞天遠應九臯聲雲龍似見張公鶴  
緜嶺如聞子晉笙綸巾拄杖髮垂素飄飄如欲凌雲度  
坐令披圖見瀛洲何須更覓三株樹從來壽以德爲徵

一家祥氣融椿庭願得從遊松畔立執筆還書相鶴經

趙象九亦吾廬種花數株頗有幽致即席聯句

春樂子 蔡呂橋曾源 李雨村調元 趙象九

結構才容膝春竟非園亦種花籬疎編麋眼雨砌密長龍

牙樞火暗燒樹松濤午聽茶雨肥槐耳嫩春竟風定柳

腰斜金剪先治菊村銀刀欲破瓜草深迷蛺蝶橋苔淺

見蝦慕燕子朝窺幕春竟蜂王晚鬧衙垂垂簾影細雨漠

漠篆烟遮過轍誰相訪橋開門一笑譁青鞋聊復著春竟

白酒不須賒舊帖評淳化雨清言慕永嘉琴聲流水遠

橋詩思慕山遐淨几消碁局春竟高亭倚書文同心聯斗

室雨異地感天涯逸興行空馬橋韶光赴壑蛇是時方

五月雨有客盡三巴涼氣全離暑橋鄉音苦憶家乍逢

疑有約春竟不樂更無加皓渺懸冰鏡雨爛斑散綺霞披

襟軒共敞橋刻燭鼓頻拋世事雲衣變春竟浮生雪鬢華

繫空唾博望雨問字鄙侯芭但使常收林雨何須更飯

麻明朝乘暇否一為我停車象

寄題徐副使浩修見一亭二首并序

副使來啟云僕官雖清華志在林泉去京百里

之地有白鶴嶺頗有邱壑之勝新建一亭名曰

見一亭取林下何曾見一人之意也乞題詩攜

歸以後園林之觀不忍幸其意為題二首

急流勇退古難尋果見飄然返故林自古詩人無假語  
如今若箇是真心世傳永叔歸田錄客奪昌黎諛墓金  
聞道羊腸無限險見幾誰是早投簪

得歸三徑就荒無點檢松杉十倍蠶尚有頭巾堪漉酒  
絕無手簡問催租鹿迷雪崦逢樵叟魚擲烟波訪釣徒  
莫學放翁太頓劇家家團扇畫成圖

寄柳幾何

秋從昨夜來舉頭見飛雁如何春水波人去長不見去  
年籬下菊今復掇其英如何白衣人不復門前迎思君

令人老思君令人瘦人老尚可支人瘦不可救故鄉在  
西蜀時於夢中望及夢翻在東常若來君旁風搖梧桐  
影雨動芭蕉葉謂是君忽來不見君步履只此白硯紙  
曾為君所遺還以書贈君寄我長相思

祝大宗伯曹地山

秀先

先生七十二首

紅崖原白骨飄飄更典春官領秩高天子賜書揮鳳  
藻同官捧學說蟠桃人求絹素唾吾鞅吏醉醇醪笑爾  
曹如此清風如此福古稀况復少霜毛

書錦堂開奏雅歌禁清休沐樂如何芝蘭近日 宮中  
久桃李連年榜下多福壽綿綿長似海文章浩浩氣如

河南宮率屬私相慶占盡人間瑞錦窠

題畫

山似魚鱗起水似鼉眼碧非山非水間復有村樹隔寺  
遠惟見樓江平偶逢石何人拄杖來坐看浮雲白

八月二十日奉

恩命督學廣東恭紀再疊前韻

聖恩重疊日邊來豁達披雲宿霧開已愧寸絲難補袞  
何堪如絳更掄才指心誓日酬無地閉口多時筆有埃  
盛世菁莪原自盛敢將桃李賀私杯

海南文物麗雲津培養由來重學臣昔忝持衡羞頌服

甲午曾典  
試粵東

今重秉鑑淚沾巾九天

楓陛方承露五嶺

梅花已放春犀口只龍珠非所志我生原是赤窮身

良鄉別墨莊

又作南天萬里行郵亭促坐達三更季昆言淺情偏重  
聖主恩深別易輕此後瞻烏定誰止從前料虎太相驚  
莫云四海無知己萬卷書中覓友生

趙北口

燕南趙北水雲鄉一帶虹堤走綠楊漁艇搖來叢荻外  
酒帘飄出畫橋旁年來宦思非常澹此日詩情分外狂  
借問弋人何所慕鴻飛萬里碧天長

過東平飲洪阮溪

馨

同年署中小洞庭山房話別

分韻得篠字

雨萍有鳴蛙風枝無定鳥平生同門友沙散固不少洪  
子今世豪氣與孤雲矯新鷹鄆州牧治劇民不擾去年  
扈鑿輿偶語立塵表今年君奏最排闥不用佞相思  
言有萬及見一笑了憐我無故人酒食使我飽堂前種  
菊花雖霜色未掃旁洞庭石瓊瓏間叢篠把臂忘形  
骸歡呼失昏曉嗟我奉王命學薄慙負抱世事千褒  
斜欲說頭屢掉愚拙幸天憐豈免心搗聖恩江海  
深所恨微軀小粵東比鄧林何以培俊造鮑子非君誰  
善言我當寶

汶上縣館壁間見桂山題句遂和其韻桂山今已

回蜀

窻外芭蕉報雨晴好詩人眼倍鮮明旗亭畫壁人何處  
知在笙歌隊裏行  
我行汶上雨模糊樹裏斜陽半有無亦有歸心歸未得  
予恩深處忘江湖

宿臨城驛先寄徐州司馬唐芝田四十韻

昔在甲午秋嶺南奉簡書適君防銅沛道由彭城趨戟  
門方在望已見來長鬚速我以駟馬烹我以鱖魚彷彿  
來親串斗酒出婦儲歡呼忘賓主兒女遶座隅蕙粥使

果腹蘭湯使澡軀邀我遊雲龍同駕北門輿花木知我  
來相逐爭扶疎黃樓聞我至錯認眉山蘇山水互鱗鱗  
軒豁新雨初夕陽不肯下燈至勇猶餘暨冬返轍輟留  
連倍相於一自歸京師魂夢暗在徐人事真浮雲變幻  
蒼狗如譬如兩頭角頃刻分龍猶尹舉二千石朝覲來  
京都時我初解官扁戶方閒居祇多門羅雀未見屋愛  
烏而君來益勤劂咏時謔予予曰子往哉予誓賦歸歟  
家有十畝田未缺糲與蔬况有兩三子猶堪課經畚欲  
言聲已哽不語淚如珠淒涼拜廊廟浩蕩懷江湖豈知  
春風動枯草色復殷 聖恩高且厚不許歸茆廬此事

古未有感激輕微軀又復持粵節益愧知遇殊拜命  
不遑處卽日出宿鄂九月望之三萬里鳴長騶旣以公  
自矢旋以私自娛與君再相見寧非隔世乎磨牛踏陳  
迹老馬識舊途極知旦夕見翻恨道里紆坐令臨城驛  
竟夜成躊躇作詩寄與君爲我懸楊需知已良覲難有  
懷當面攄

宿州郵舍懷芝田

不意重逢始見緣此行轉覺益淒然途當窮處疑無地  
事到平時信有天萬里難爲知己別一生長是 王恩  
憐贈言不是君誰肯前路猶須穩着鞭

宿固鎮館中有竹數竿花石相間雁來紅一株尤  
鮮艷為題四絕兼寄安徽督學劉雲房權之

暫借茅茨屋數椽無端秋色鬪春妍深紅一朵雁來後  
錯認江南二月天

小小園亭未就蕪數竿修竹烏喧呼晚來添箇枝梢月  
一幅文同淡墨圖

圖書兒女伴同行日日郵傳走踐更出漢書服虔注出  
錢二百謂之過更

春到明年爛熳催桃花千樹遣誰栽題詩忽憶連州句  
前度劉郎今又來雲房為余同年前曾上詩江左今後  
視學其地與余前後奉命出都道

必經此故憶及之若  
見當為一捧腹也

定遠縣寄陝甘督學祝芷塘同年時主試閩中未

八閩收盡海南珠又向長安執節趨踪跡與君元白似

高山桐葉有詩無

劍閣騎驢憶往時詞人偏與地相宜秦碑漢碣歸君袖

添得華山一卷詩

贈廬州廣文毛果齋名應藻由內閣中書登進士為  
沅江令改廬州教授

十二年前紫禁仙一朝拋去學烹鮮老方得第人皆惜

住每居卑子亦賢此錯真成九州鐵再來不值一文錢

童山詩集 卷十九  
是間肥水思名義未應長貧老鄭處

十二建昌道中三首

秣馬待晨發中宵趁啟關雨收仍滴樹霧重不分山過  
客題詩好溪鷗傲我閒團團牛跡裏聊借豁吾顏

黑雲風捲去露出一天青岫遠尚呈寺江平已失汀古  
田書井字醜樹作人形賣餅何曾有虛煩馬一停

一自潯陽渡天寒漸薄身日光催野馬霜色醉楓人風  
過江猶怒雲晴物自新今朝詣物理時過見松筠

再題德化烏石觀者闕

烏石村鎮真吾邦白沙翠竹明清江江上飛閣截雲漢

下俯百尺之徒杠我昔過此與僧語留贈以詩題其窗

今來僧已成新塔刻石與高聳而雙

前所題詩今已爲僧刻石在高相國

晉暫嚴二字之右

支公弟子真風雅迎我稽首言非曉前引禪

房最幽處使我細聽飛泉淙朱欄碧瓦照清淺一漱冰  
雪清胸脍筆落垂雲大如斗有亭新置稀來遊凡此皆  
踐前所諾一一排置余心降年來世味百不好但求禪  
榻眠蔭幢君能容我同龕宿木魚考考豈逢逢

自題雙菘圖并序

舟中無事自寫雙菘徐中甫進士見之爲題詩  
有菜根別自有真香句因作長句答之



雨村先生真腐儒春食黃韭冬食蔬南行舟中一日無  
思之不置描成圖嫩葉尚帶露華潤土膏半飽微雨酥  
何人履畦掇芳碧想見抱甕人勤劬宿酒未消初睡起  
一盤何啻烹醞酬北方苦寒百不產獨稱安肅尤敷腴  
萋蒿甜滑非所嗜波稜鐵甲難爲蒞十年久住不爲肉  
半爲此菜拋蓴鱸今者落筆豈無意藜藿而日吾知吾  
中甫山人獨解味菜根語好能起予歲云暮矣路長紆  
菘雖軟脆霜難枯相屬守此無他娛請君咀嚼助礪粗  
新淦舟中汪明府來謁得蔣心餘太史十銓書蔣  
與余相左於南昌遣人以樂府追寄藏園其詩稿

也

卧聽郵籤報水程開窓已見挂銅鉦半篙綠水舟初動  
一片青山樹上行空谷香中人去遠藏園稿裏句堪驚  
友生聚散真無定又見澹臺在武城

玉峽門

在峽江縣南五里卽占巴郎上有周瑜廟

誰劈砮崖兩片石雷碾一斧蒼玉裂至今千里巔江湖  
捲起回瀾噴銀雪我聞巨靈陰持權故削峭壁橫青天  
黯黯蛟螭蟠窟吼巍巍虎豹當關眠昔時雄鎮今爲縣  
山色水光仍未變偶來指點問巴邱灑灑瞿塘又驚見  
周郎遺廟委蓬蒿千載荒城宰堵高英雄已矣殘碑在


日暮空江起怒濤

山夜讀練中丞忠貞公文集

今日程司訓示我中丞集夜讀未終篇不覺淚嗚咽  
緬公少英邁秉性矢忠直對策如諫書殿廷皆動色遂令  
嗜殺主斂衽心為戢維時燕師起司憲柏臺職誅諸賣  
國奸不惜折檻力大厦既難支臣死有餘責願從文皇  
帝豈懼瓜蔓磔成王今安在血書以當墨當時互詰問  
誰分誰叛賊吁嗟河山變浩氣終不息至今展遺編尚  
足驅妖蜮字字照燈青鬼神皆起立陰風峽中動淒雨  
蓬頭急掩卷不成眠微聞老蛟泣

戲贈中甫

中甫山人有詩癖出語霏霏如玉屑黃河已倒海已吞  
尚自瀾翻流不竭我自年來喜錯口技癢有時還自輟  
譬鳥傷翼非傷鳴鳴恐驚人不如訥多言天惡非人擠  
敢復向婦問吾舌自得君詩眼一明遂忘破戒兼忘拙  
昨夜峽江已受降搜索枯腸竟難萬今更短兵相接戰  
白手何曾持寸鐵平生我亦輕餘子蜉蝣撼樹妄稱說  
誰令擁被空呻吟景驕莫隨付一瞥雨中人家雲中山  
筆不能描心自悅君家西江我家綿自應點染君獨絕  
君不見飯顆山頭逢杜甫空令李白笑咍咍



童山詩集卷二十九

綿州李調元雨村

丁酉下

連日無風舟阻吉陽今晨得風快然有作

五里灘下行十里灘上宿延沿終日間不出灘一曲欲  
知舟上灘譬若魚緣木又如鷁退飛數舟數恰六似逆  
却似順疑進復疑縮翻疑文江山不忍捨我目何來廣  
莫風徑入我帆腹初見波鱗鱗漸覺峯逐逐奔騰赴槽  
馬獵較避箭鹿螭口噴雪花響似奏琴筑鴨頭翻雲濤  
快若轉車軸雙楫爭迎送忽失纜一瞞篙子支頤坐土

童山詩集 卷二十一  
縮飽半菽余亦暫停車欣同稚女粥時來送好風無用  
神祈福人苦不相待空費豚蹄祝

黑潭

在吉水縣南十里

看遍西江水半與天同色文江更澄清其色乃過等下  
有黑蛟蟠上有鳧鷖拍潭邊數株樹楓樟梓松栢有似  
善畫人青黃點綠赤樹上龍鳳山山上牛羊石了不問  
其名其狀可度臆雲來山披絮雨過山啟幕山不求人  
知靜中觀自得試問山中人可識用中客

螺山

在廬陵縣北十里

舟子頗解事知我癖吟哦開窗爲我指此山名曰螺云

昔有漁父得螺手摩挲懷之不忍捨五彩覆青蓑夜半  
忽不見風雨疑龍梭至今隨手拾往往得之沲我來一  
眺望但見足練拖有如白銀盤捧出雲一窩又如美人  
鬢頰低舉案蛾藏頭初脫鷹張口長噓呵坐令青青松  
脂漆流成河平生無所嗜但愛麝煤多供我日著書萬  
卷高岷峨何爲汝不惠吝此烏紋靴此意我知矣雕琢  
傷天和敬謝山靈肯人豈爲墨磨

自廬陵至泰和得風

輕舟真似泛波鳧百里西昌到未晡風引江帆之字折  
雨昏村樹米家圖山纔入眼蓬偏隔水最清心茗可呼

試問今宵泊何所谿林佳處酒宜酌

謁黃文節公祠

聞道西江社當年鼻祖黃詩原老杜出名與大蘇長快  
閣軒窻古荒祠橘柚香何如后山輩飢鼠齧空囊

黃公灘并序

宋王阮云顛石三百里中有大小黃公灘與萬  
安對甚險惡坡公誤聽以爲惶恐遂以對喜歡  
慶元二年十四夜宿灘下夢絳衣素冠人辨論  
嗶嗶記其言似謂不願人畏余應曰灘指石耳  
水何與焉其人有喜色意其爲黃公也詩曰水

沂安流舟不難人心自謂石頭頑黃公誤聽作  
惶恐玉局先生蓋謂灘攷趙清獻詩集有移舟  
夜泊黃公灘之句是灘名黃公由來舊矣坦齋  
通紀亦云坡公改易地名以就句法查初白註  
蘇詩亦有文信國惶恐灘頭說惶恐蓋因坡公  
而傳訛之語余於乾隆三十九年甲午秋典試  
粵東回京過此有和坡公惶恐之作今視學粵  
東於十一月初五日溯舟而上復過之因閱盧  
介軒新志始悉其本末惶恐之名實由坡公所  
易也按先生出入侍從謹論宏議必以忠孝爲

本挺挺大節羣臣無出其右但為小人忌惡擠排不使安於朝廷之上其南遷也殆有憂讒畏譏不得已而託諸詠歌者惶恐之作亦非謂灘也因追用王阮韻以正之

人自羊腸步步難黃公豈是恐愚頑無端瘴癘七千里誰道東坡只謂灘

萬安無數好青山 有序

舟泊萬安徐步江滸古廟見有題句云吉州南上水環彎十八灘頭是萬安來客莫言萬安惡萬安無數好青山問其居人云前令高密進士

胡萬年所作也喜其瀟灑有意用為起句六首

萬安無數好青山好在蛾眉翠黛間恍似峰峰會羣子藐姑仙子立塵寰

萬安無數好青山好在鈴聲梵唄間莫是天台石橋畔

古松流水白潺湲

萬安無數好青山好在章江字水間有箇人家深竹裏

石樓四面白雲環

萬安無數好青山好在藤蘿密箐間最是月明殘雪夜

猿啼一聽欲頭斑

萬安無數好青山好在溟濛細雨間剛是鳥鳴深箐黑

樵夫腰斧上孱顏

萬安無數好青山好在灘聲白晝間却是漁人舟一葉  
浪花穩睡自心閒

儲潭

灘過二十四險盡得心  
闌登岸先尋寺逢人即問山  
檳榔皮白煮楠柚樹容攀  
更問唐時碣青苔帶雨斑

贛州總戎吳梯岑  
明府衛松崖招登八境臺再用

東坡韻

重上南康八境樓  
灘平回望迥無憂  
畫圖已逐烟雲散  
只合黃金鑄孔侯

八境臺詩凡東坡元豐元年戊午  
在臨城時題慶州太守孔宗翰南

八境圖而作也未得登斯臺詩中小序甚詳後人以臺  
因東坡詩而重遂失孔君建臺始未祇掩小序中數語  
以為題于壁  
乃相沿之誤也

櫓因三載去仍還浪吼雷霆白晝寒今日乃知并受福  
魚龍解護使航安

雙流束處雪成堆龜尾潭前宿霧開挂起東牕天  
蓬蓬疑泛斗槎來

蒲褐風甌便是禪何須倭佛御冷然巖上俱佛邇來解  
識南華偈近水樓臺得月先

吹簫擊鼓宴平明遙想風流醉勝醒可令青山歎隅向  
更無人問鬱孤亭鬱孤亭在八境

船停城下日方中人語樓頭雨欲蒙  
緩帶輕裘羊太傅  
種松植柏寇巴東  
虎頭如蟻上輿臺  
五丈華軒次第開  
要識連年豐稔效  
四山關盡舊汗來  
瓊根碧瓦露鱗差  
閩粵星分眼底知  
更向青天搔首問  
澄江何處謝公詩

五江口夜泊

同中甫乘之分韻得三字

瘴樹連梅嶺風帆指韻南  
全於官驛錯半爲客程貪野  
濶低雲合村遙薄霧含水寒  
天欲凍山雜地呈嵐犬吠  
烟中渡魚跳雨後潭蓼花紅  
覆艇慈竹綠依庵有隴多

栽蔗無園不種柑  
桅燈星點點市釀露湛湛  
刻燭傳更一連舟得友三  
談高隣鴨亂句險睡龍探  
報國懷張說傳家本李聃  
莫憐漚不寐更與妙元參

筒車

誰學樊遲稼巧奪公輸矩  
東海水欲乾南山竹先斧  
理木璇璣運義近栢棧取  
中流一堰成高岸兩輪舉  
團團如側磨鴉鴉似鳴櫓  
漸近比魚貫列行排雁序  
深勺地中泉疑灑天上雨  
欲揚先就擲既吞輒復吐  
盈科走瀆分槽通園圃何  
曾晝夜停難以千萬數  
噴薄口疑螭灌注力分牯  
碌碌空輾轉枯樺慚仰  
俯能令早魃妬偏



助田夫苦我家木石犀竊祿慕銅虎十年拋秧馬八口  
盜倉鼠慈闈猶啜菽健婦尚收稌聚首定何時觸目感  
修阻何當親磳磳尚可供臼杵他年得歸耕當為補農  
講

小溪望月

却憶辭京日回頭已二翼天懸千嶂月風動一潭星夜  
靜龍鼉出沙明蚌蛤腥鯉魚書不達惆悵憶原鶴

南安早發

爭利爭名併此程山頭曉月最關情也同行李一肩  
忽見野梅雙眼明雲裏白猿衝道過雨中翠鳥隔溪鳴

此來贏得韓蘇羨兩柄又旌百粵行

過大庾嶺十一月

丁河和辛甫韻

嶺高無復雁飛南但見蒼檜栢叅天使巖關全抱粵  
人疲石級半投庵舊題坑有六丁取新刻多於二酉探  
誰向雲頭歌伐木斧聲驚起鹿趨趨

再過梅關

底江吳地盡過

試問梅天雪曾經犬吠麼

山川仍似舊雪

風度唐朝相如君有幾人

有張曲江祠

呻吟行

呻吟復呻吟乃在瀆陽之江臯沙泐雲錦淺露春河濶  
如掌船如刀忽聞呻吟聲囂囂疑是遠村發夜哭淒淒  
松壑來風濤又疑庚癸叫餓李乞憐搖尾相嘲嘈又疑  
饑鴛喚哀鴻噉血自屈冤額號八月寒螿三更雁孤  
臣孽子悲離騷一時嗚啼集充兩耳使人沁心動魄  
斗覺頭霜毛細聽非近亦非遠聲乃出自所坐舫黃帽  
敝衣不掩胛伏舷長叫身橫篙不知鳩舌誦誦作何語  
但見頰肩赤脚連睢尻我聞築者邪許春者相祇以助  
力寫作勞何爲無疾無痛楚不爲後笑爲先咷愧無樂  
巴喫安得一簞醪投之上流之高高千人萬人沾瓊膏

使汝溫飽舟自操吾亦銷金帳裏烹羊羔嗟嗟呻吟奈  
汝曹

舟過觀音巖以風阻不得上易小舸力挽乃登徐  
中甫不至作詩詢之


石壁如青屏中挂小蓬來宮闕眩江色晃朗金銀開我  
昔曾過之片席飛瑤臺題詩凍雪中手洗太古苔如何  
風打頭逆浪今喧歷萬人牽不前欲到輒引回豈爲無  
蚤緣青鳥相嫌猜一笑謂扁郎吾何嫌乎哉漸而上日  
升此理易所該窈窕朱明洞徑到無須媒騰閃螭蚪駕  
紛綸爭擁來道火星在戶懸鍾乳垂厓烟霞供吐納落

日猶徘徊憐我老孺子好奇有同懷底事臨崖返咫尺  
不我陪譬如看人飲祇對空尊壘昌黎登太華此興豈  
俟催遲疑生憾悔積穉成衰顏君無謂我勇尚可鞭龍  
雷

再道峽山飛來寺贈禪樂長老用東坡韻

昔年曾度大庾嶺二想峽中得幽境刺天碧有萬巘岈  
仰視蒼蒼如坐井恍疑誤入佛仙國手探蒼龍佩含影  
凌雲欲步無飛梯禪老迂我江之涘千巖萬壑量筋力  
尻輪坤馬無弔羈仙山無緣留不得歸來兩鬢嗟成絲  
揭朝羊角搏風起吹動曹溪半篙水至德不到今三年

峰色依然翠如洗故人喜見鬚眉舒相邀直上山頭廬  
濺濺鳴泉響笙篴颯颯澗風香木魚袖出新詩爲洛誦  
彷彿環珮聞步虛人間蓬瀛妄語耳訪道崆峒能有幾  
採芝服藥何其愚不如荒圃時携鋤倦來高卧松間石  
草屨蓬頭讀道書



童山詩集卷二十一

綿州李調元雨村

戊戌

九曜石歌

巽石何者為第一  
 署中九曜最奇逸  
 我初聞之金宮瑞  
前任學士金聰編曾為余言九曜石之奇  
 翹首仙湖疑未必  
 茲來適作藥洲  
 主眼中突兀驚嶮  
 一石高聳春鏃炮  
 一石廉稜性剛  
 率一石磊落抵觸  
 藩忽起如遇初平  
 叱一石歲魁牛礪  
 角昂首不受丙吉  
 詰一石玲瓏如空  
 樞四面煙霞為梳  
 櫛一石仙掌煙榕  
 根水底黑蛟蟠  
 鬱律其中一石更玲

岬乃合三石成膠漆蛩駮相負鵠蚌持中峰獨帶龍鳳  
 質衆鬱合抱如拱辰爲君左右襄良弼其餘堀畧俱屹  
 然亦似羣工護嚴蹕初疑二華眼中來復訝三峩脚下  
 出玻璃忽墜九天雲照耀長經萬古日鵠立相望池東  
 西狼藉憑誰序甲乙當年南漢竊一隅蜃化爲王虐無  
 匹太湖靈壁從何來臯人安有縮地術九曜之名豈非  
 僭日月五星位本七得毋自比九五尊欲使天下定於  
 一珠宮已付水東流巋然獨不遭蕩滈風飄雨溜近千  
 年後人空賞瓊瑤筆米顛墨寶跡淪散聞掌跡石有米  
元章詩會半陷

池中榕根蔽之不可尋矣其米題藥洲一石今在瀟  
署惜無好事者從歸學署余故有來米齋之頌云

揚諸刻尚盈帙我生嗜古如嗜茹金石摩挲癖成疾此  
 石一旦落吾手日遶百匝意未畢茂林魯憶觴可流籠  
 竹雅稱琴橫膝惟當端其袍笏拜無爲州解許同秩自  
 笑年來苦學暗對石無言石應啞聊代今年試筆詩正  
 月元旦歲戊戌

題惠州太守吳澹圃煇秋山詩思圖二首

濺濺寒林響筑琴石門流水有遺音君家太守真堪繼  
 總使夷齊共此心

謝公秋興未容攀雲雨蒼生在此間郎笑題詩老春圃

那能便問九華山前粵西學使王春甫題此圖有  
九華何日共躋攀之句故云

題吳澹圃啖荔小照二首

丞相祠堂大樹旁  
風流太守酌天漿  
問君爛紫高紅日  
可也分甘到黑郎

南來萬里有良圖  
五月冰盤飽赤珠  
今日朶頤真一笑  
展綃先見絳羅襦

肇慶校射火雨妨騎戲  
作四首分簡永東峰興高  
要令楊蘭坡陽春令袁春舫  
高明令高齋

寄言天驥漫呈才  
十日陰雲黯不開  
多愧元戎煩小隊  
輕裘綬帶雨中來

誰似端州大尹賢  
每因得雨轉欣然  
昨朝對客盧胡笑

新出灘江縮頂龜

有脚陽春到此間  
文壇坐鎮屹如山  
夜來亟報有公事

春舫新藏小阿蠻

何人中鵠遠聞聲  
誰謂天無一日晴  
幸免擲掄鬼換服

高明端的是高明

雨中校射示諸生

天公未許驟掄才  
匝月陰雲黯不開  
為趁小晴巡郭外  
乍逢猛雨截江來  
惜泥驕馬跑空立  
腰箭羣英擁隊迴  
畢竟為霖誰勿負  
龍門爭看一聲雷

遊七星巖

來從九曜石初上七星巖斗柄忽在手長鏡不可芟山  
靈呈肺腑石乳滴嶙峋醉飽叨賢宰吾儕亦太饒是日  
袁陽春作主人令從遊者皆  
徧及盤盞盡歡而歸故云

題袁春舫勸農圖

我友袁春舫論才真十倍六年令嶺南驥足展猶待昨  
朝駐端溪喜見顏不改 聖朝求俊彥相佐需寮案鎮  
靜坐文場萬人仰手采使我目不迷皆借君光彩却怪  
小春州羣英盛元愷地豈德星聚教養有人在今觀勸  
農圖乃知賴賢宰減從駕平時農功課勤怠秀者列其  
旁氣象何磊磊坐令絃誦聲如舞老萊綵他時過此月

滿縣花當採君如效拔薤爲我護蘭茝

題楊蘭坡板輿奉母圖

融和天氣雜花明初御輕軒恰午晴四野絃歌人訟少  
平郊奉母看春耕

嶺南第一數循良早識封魚母澤長小立摘花誰可似  
人傳潘令在河陽

欲知寸草報三春捧檄當年總爲親讀畫見君純孝意  
就中傳出色難神

永定河邊世閥深分明父行倍相欽交情恰似周公瑾  
不飲醇醪也醉心

我亦高堂有樹萱邇來思緒比雲騫因君蜀道身思奮  
欲向前途自御轅

七月廿六日羅定試院見菊花二盆幽香可愛贈

州牧宋鏡齋

豐紱

有菊卽重陽吾聞子瞻語不到嶺以南謂是欺人耳今  
駐羅陽城廨舍何精美忽於七月中見菊諦驚視佳色  
比佳人百花俱可鄙何須晚節香初節已如是人當早  
芙蓉我當晚桃李

羅陽試院久雨

我非百里嵩頗有隨車雨兩月端州城日見

商羊舞

蕭濕案牘鼃鼃進廳戶坐令騎射妨仰天去嗟語今來  
瀧水頭晴天已可觀豈知入鎖院復見潤在礎點滴報  
芭蕉琳瑯擺庭樹首夏竟如秋添衣欲加絮翻疑有漏  
天萬山深獨聚爲憐白袍人立與秦優伍經田爾雖畚  
不敵耕鋤苦諸生一笑前請學老農圃

舟泊練潭

水複山窮處人家聚練潭木棉多傍岼金橘半垂庵昔  
者觀風過嘗疑秀氣含今朝停舫問一笑慰前談

此地諸生

新進五人

頂湖山

童山詩集

卷二十一

五



山頂安得湖聽說先搖首艤舟上岸行清溪逐人走溪  
迴山來迎湖光已照手溪邊龍目樹易生如楊柳結子  
尚垂青雖饒不可口及至登頂湖全湖忽消受上可接  
九天下可灌千畝初疑釋迦鉢益來風雨吼又疑玉女  
盆墮在烟霞數彷彿見鵲橋懂恍犯牛斗與言無二三  
誰能吞八九井乳竟可飄似為亭論說老僧喜我來引  
導入雲阜為指慶雲寺金字題弗醜未成一家仁難定  
三不朽何如頂湖清堪陪坐至酉

龍潭

借諸生作

竟是九天雨何曾一日晴澄潭龍氣色濺石電風聲聞

道時當早常於此潔誠諸生清興發落筆鬼神爭

頂湖示諸生二首

呶語鐘聲響入雲林端泉有萬重聞我來忘却山行遠  
要趁山深好論文

我本岷山一腐寒讀書酷愛品行端荆公文章蔡京帖  
高閣從來未一看

重遊峽山寺贈禪樂長老四首

捨舟尋峽寺十里至山根人圍一灘口天高百粵門橫  
風吹瀑散細雨撲林昏假寐投禪榻春濤午枕喧  
自笑遊成癖洵于山有緣一年兩過峽三載半行船攀

果猿窺客聞鐘虎聽禪老僧頭漸白相對話流年  
 不惜足成繭為撫眼底奇烟羅袁氏洞雲失大蘇詩泉  
 白巖中練苔青殿後池此遊真愜意風阻得閒時  
 見說巖中景全收直指堂樓延山色入座納水聲長樵  
 擔林中影漁燈樹鏤光今宵渾不寐雲卧濕衣裳

峽山寺與禪樂夜話

禪堂燈一盞萬慮此俱空念佛蛇吟洞驚人虎卧叢  
聞之禪樂長老灘聲長似雨山響不因風悟得明心處前潭月  
 在中

夜泊觀音巖

夜泊觀音巖

一嶂高撐半壁天到來剛及晚燈前長風送月林梢挂  
 暗浪搖星嶺上懸深洞龍驚僧擊鉢隔江犬吠賈移船  
 平生不信玃盃吉來去征帆任自然

童梧岡曾言觀音籤至靈

風阻龍頭影野步江潯見團煤為餅者云燒石糞

田其古人火種之一端乎詩以記之

非銅非礦非甌甌石炭焚空何焱焱萬夫斲山龍脉坼  
 坐令后媪無完宅團團化餅嚼不得黑石燒為蔚藍色  
 云以畚田助農力以陽補陰理或直所惜龍身碎鱗甲  
 邇來旱魃甘霖乏甕鞭蜴蜥同一法故與割耳相欺狎  
 斧聲雷碾崩聲若筋春已斷應悔惜胡為逆風吹灑灑

不惡農人惡行客

滇江二首

風破竹篙聲未休舟人拿楫立船頭何處伊鴉來米船

為言昨日發雄州

水落誰家船閣灘挽牽入水萬牛難記得二日前三日

峽山百尺起江湍

山行二首

漫山野芋葉如扇臨水村榕蔭似棚著箇短篙當橋過

偶拈枯竹作藤行

觸艇乍驚蛇虺走衝人忽起鷓鴣飛遠遠烟中聞犢叱

時時雲表見僧歸

鷓鴣

粵山來往熟初聽鷓鴣啼炎嶺深榕外連州苦竹西飛

低烟冪冪聲斷雨淒淒正是頭堪白家書隔越嶠

和蘭谷端陽前一日舟中韻時家慈將底粵

濁浪浮天混混東開懷仙侶一舟同驚看巖窟山邊黑

喜見龍舟水次紅拜母卻思離膝目留賓翻喜打頭

風柁樓少婦渾無耐也續紅絲蔽襖中

端午英德舟中作

一年多在路五月是他鄉榴近西村岍萱遙北背堂大

江收暑氣小艇作端陽記得鬢齡日香盈繫臂囊蜀俗五日

鏡帶

五月二十一日南雄驟雨江漲水及試院堂堦是

夜移於道南書院得詩二首示諸生

晚來堂下水平堦第二門中進木簿五馬只愁侵使節  
雙鳧先已護彭排再來應嘆傷新屋不去真成畫舫齋  
燈火泥濘人共笑此翁也解著棕鞋  
江翻暴漲到城隈鎖院深嚴水竟來天捲魚蝦簷外落  
人驚蛟蜃室中迴清盈暫集崇朝雨屋塌遙聞幾處雷  
避漏移淋渾不惜最關心是碍掄才

雨中觀道南書院池蓮得十字

我來量材保始邑得五未能全拔十野漲漫山雜雨來  
令我不及謀簑笠遷居道南夜已半昏黑不辨門徑入  
曉來雨霽竹光清始見軒窓臨池葺池中亭亭白蓮花  
風搖翠柄如相揖仙子凌波踏明鏡淡粧一洗鉛華襲  
欲語不語真有情綠雲擁扇相環立乃知人世皆泥塗  
獨有荷葉終不濕書齋靜坐日無事惟與諸生相講習  
拈花佛豈步以趨愛蓮周可學而及不怪諸生柳下行  
所期他年衣染汁

登芙蓉山得氣字

酷有遊山癖每爲簡書畏今朝公事畢雅願始得慰芙蓉山不高草六頗蒼蔚不用杖策登已入雲巖飄松風雜江濤人語亂蝸沸竹窺尋細泉僧房吃佳卉屣前鷓鴣聲衣上烟霞氣童冠半吾徒脫略無忌諱歡談兼坐卧殊有偕樂味山靈喜詩人樵子厭朝貴誰能出新句一洗俗胸胃

遊英德南山

英石傳天下南山見未曾連江雲一片插浪雪千層地以襄陽勝名因玉局稱何方劄舌蘇踏遍萬峻嶒

遊碧落洞

示門生萬國才及何李二生

清風兩腋生送我入山腹晃蕩垂雲崩銀潢就中出古洞何年開破壁自成屋啾啾巢巖禽撲撲遶枝蝠沉潭蝌蚪家異石虎豹族翻令白晝寒忘却六月伏從遊得萬子指點豁吾目旁有二生隨隅坐如在塾絕境少人到得來豈非福詩成問山靈何如蘇玉局

初入連州江口二首

三過瀘陽峽連州路乍經江如春草綠山雜夏雲青水雀翻翻見山猿處處聽此方饒瘴氣隨意酌餘醺但逐風帆去東西未易分山深時有雨樹矮不多雲石走崖邊鹿雷來水面蟲今晨得佳致茉莉放微薰

錦梁灘

萬石疊成梁千夫挽一航雲霞蒸水氣雪電鬪波光石  
柱多穿腹鋒鏖摠割腸四圍藤蔓合不覺霧蒼蒼

過龍宮灘

川昌黎韻

萬派沸如湯風帆向北揚不知三伏熱但覺一灘霜毒  
鳥衝船過山猶蔭樹涼水東饒竹篠未免觸思鄉

溫泉灘

我來瘴江濱火雲方鬱攸溽暑蒸行客日懷重腿愁不  
謂連江險亦有溫泉流停舸笑謂兒宿疾茲可瘳解衣  
洗積垢頓覺神脉周初疑木焚槐又若地藏疏火布如

可浣斧薪似未抽雖有氛霧侵不復成瘡疣乃知造化  
巧解毒方先留大勝驪山泉徒蒙華清羞

楞伽峽

看山到連州山色愈奇幻平生所未經盡入眼中見巉  
峩聳一峯中忽劈兩片鑿空地鼓竅逼仄天通線巖有  
下垂雲泉無不拖練如入金界七寶莊佛殿又如銀  
粧成九光紛交倩篆文螭蚪盤石勢殺巒變俗名陰洞  
結鐘乳陽巖披竹箭烟霞供濡墨草木借染茜欲上嗟  
力疲不仆訝頭顛混混南交撐茫茫大莽薦云昔有仙  
人仰睡不轉面又聞姓丁者蛇咬手欲戰漁網雖彷彿

鷹桃俱鄙諺獨有半霄中觀音若倒纏手散無量花纓  
絡落如霰錯雜多羅樹相約貝葉爛遂言西方事儻恍  
令人眩不如欹枕觀勝讀書萬卷山奇句不奇驚人讓  
雷電

連州牧張玉峰利仁邀遊燕喜亭得序字并序

燕喜亭者唐貞觀元年昌黎韓公貶山陽令時  
為太原王宏中題其所居之名也記云王宏中  
在連州與學佛人景常元慧游於其居之後邱  
荒之間上高而望得異處焉斬茅而嘉樹列發  
石而清泉激壑糞壤燔楸翳却立而視之出者

突然成邱陷者呀然成谷窪者為池而缺者為  
洞若有鬼神異物陰來相之自是宏中與二人  
者晨往而夕忘歸焉乃立屋以避風雨寒暑既  
成合而名之以屋曰燕喜之亭詩所謂魯侯燕  
喜者頌也予於閏六月十二日連州試竣玉峰  
招予遊焉其所謂侯德邱謙受谷振鷺瀑黃金  
谷秩秩瀑寒居洞君子池天澤泉已付之荒烟  
蔓草不可尋詰獨此亭為好事者所葺尚巍然  
獨立於北山之上雖牛矢縱橫狐兔出沒而風  
景猶宛然如昔也乾隆十三年有許州牧別於

亭之側引其泉而溝之以爲曲水構亭其上名曰流杯彷彿蘭亭之遺意也前學使吳雲巖爲之記是日集州之羣師長共觴咏其上茂林修竹映帶其旁清風微雲左右奔赴顧而樂之因其分韻爲詩限席上卽成予得序字長短句時已中酒脫巾幘頽然座上借童子手中管疾書之顛倒淋漓不自知其爲詩也坐客有能誦者聲出金石乃自驚以爲神不知韓公當日亦有此樂否也山川媚人亭池競賞頗覺今勝於昔少頃諸君詩成余曰是不可以不序爰識之以屬

玉峰使泐於亭西石上庶不虛此日之遊也

刺史有好懷邀遊北山墅籃輿出趁曉風涼諸峯已見青如許鬱鬱燕喜亭韓公舊來處石何蒼蒼兮嶮嶮而嶽嵒泉何涓涓兮縈洲而繞渚烟霞搜剔琢玲瓏草木蒙茸長蒲葍或如綠沉之屏或如鐘鼓之鑪或如柱下之礎或如海中之嶼或如輞川之圖或如米顛之樹或如筍之尖或如室之巨杈杈或呀呀三三或五五悉千重萬疊兮如鵝蚌之與蛩駘溪壑無窮興無窮令我一步一延佇旁有流杯池靈區勝萃所陰陰古栢藤下垂瀧瀧暗響鳴笙啟後有萬丈高聳之巾山前有百里穉



經之未黍是日清風生渾忘六月暑羣賢雜坐學流觴  
想見當年蘭亭序雅事新添瓣香盃是日摘荷花瓣香  
盃巖罰更依金谷數肉如林兮酒如池狼籍相枕兮不  
知其誰賓與誰主此自歷肇羅南韶四州兮為二月以  
來第一之盛舉古人已去兮今人復來今人來遊兮明  
日復去誰謂名賢之不世出兮乃與名山爭千古雷殷  
殷兮山之陽雲滃滃兮天欲雨日暮相與咏而歸兮回  
望北山而韓公之遺跡已如北斗之可仰兮與夫泰山  
之可旅

連州久不得雨玉峰率民祈禱雖甘霖應降未全

霑足十二日同遊燕喜亭午忽驟雨如注避於北  
山寺喜而有作因簡玉峰  
連日垂龍懶且頑今朝雷捕破天慳且教澍滂傾盆瀉  
未碍同看雨裏山

舟次陽山聞史靜軒明府有遷臺灣司馬之信留  
詩作別

山水縣中山水宰七年讀遍退之詩不因斗米求人薦  
翻為輪儲受上知君代佐吏運餉由好信傳來先噪  
鵲行旌停處當歌驪只虞松桂韓臺畔又有生祠繫後  
思

謁南海廟登浴日亭用東坡韻二首

一卷亭障海南天望見神祠又一灣久不揚波諸國水

獨能降雨四圍山廟東漢鼓聲過宋左有銅鼓一云漢

小相傳宋時階下韓碑筆似顏最惜此來非二月木棉

紅燭亂雲間

危磴如梯直到天陰森樹影落亭間未能攜酒唾嵇阮

偶爾談詩亦孔顏是日諸生送文求質皆令和詩身坐蘇髯曾到處目

窮番船所來山斜陽欲下鐘聲動尚有人喧水一灣

舟中別黃月書湛祖貴劉輔元庚泰均黎簡諸生

倦卧舟中百事慵起來已及日高春五生相對論文久

不覺風帆過石龍

秀氣獨於君輩聚文風敢謂我能開羅浮山下頻回首

猶見虹光貫日迴

喜晴潮州校場作

曉出城樓鼓尚聞平郊萬馬早嘶羣天晴幻出蛟蜃氣

人暖蒸為虎豹文近海潮聲渾未辨遠山樹色已全分

欲窮千里飛鴻目不許浮空點片雲

題潮州太守方蓮浦納涼圖

雙樹橋邊荷一池文章太守識昌黎石欄點筆題詩坐

一片斜陽畫舫西

童山詩集

卷二十一

童山詩集卷二十一  
便安四壁不遮山新築書齋擁岫鬟爲道墻陰有佳致  
數竿修竹莫教刪

蓮浦招遊潮州西湖

濃雲古洞小雲屏置酒同登觀稼亭可惜湘靈無瑟鼓  
空餘海上數峰青

率諸生謁韓文公祠

先生教澤至今聞濟濟英才盡不羣官吏尚攜鸚鵡字  
兒童能誦鱷魚文天留砥柱山長仰地歷迴瀾水欲分  
吏部遺風誰似續還看滿壁走烟雲

長樂明府丁豐山招遊梅軒

衙齋深處卽梅軒竹石杈枒小有園花爲官閑爭入戶  
榕知客至自開門軒有古榕其根橫走年深爲門明朝秦嶺煩輿騎此  
日清溪作酒樽歸去不知天色暮舟中猶認在城垣

由清溪過秦嶺和孫肖崖韻

曉色行旌動回程乍舍舟清溪猶抱嶺綠樹半遮樓野  
客看紅葉山僧笑白頭紛紛俱過眼又見晚烟稠

秦嶺道中

一水纔過一嶺橫籃輿微度曉風輕欲知嶺外天常暖  
臘月行人盡裸裎

斷草烏吟并序

童山詩集

卷二十一

七

斷草烏蛇名大僅指許長五寸頭如龍而小身  
 純烏其行百草沾之立斷人見斷草輒跡得之  
 故蛇每離地丈許使身如矢直不沾草以入穴  
 故人莫得而取之蓋草蟲之有靈性者粵中多  
 有之  
 人以直如莖死道邊汝以直如矢免於死嗟嗟可以人  
 而不如乎君不見斷草烏

童山詩集卷二十二

綿州李調元雨村

巳亥

遊惠州棲禪寺

并序

正月初六日惠州試畢率諸生葉芳陳應元楊  
 炳奎廖飛彰偕遊分韻得雲字  
 春光澹蕩水清芬蘇老風流孰與羣依舊折蔬煩太守  
 誰言種樹少叅軍木棉映日翻紅錦芳草迎風如綠裙  
 漫向六如亭上望朝雲偈語不堪聞

登白鶴峯

童山詩集卷二十二  
一  
洞潭碕岸抱城坳白鶴遺居碧蘚交此地空謀百尺井  
當年尚憶九重巢山如蜀道真堪寄湖似杭州未忍拋  
不是行旌催太速黑雲飛雨遍江郊

陽春舟中望崆峒巖

曉至陽春縣卧看山過牖起來問崆峒乃知近可肘奇  
峰挿天虛洞府穿地厚峭非人工削破是神斧剖瘦疑  
古藤纏膚無寸土受鎮壓梅嶺南雄跨羅浮右舟中二  
三子謁我塵初抖喜其皆遠來頗以慰老朽便與細論  
詩敢謂循循誘惆悵不得登造酌一杯酒

山行四絕句

乍聞橘蕊香已入空山裏一樹白如雪繁星落江水  
古藤纏破屋佛像半莓苔野寺無人到山猿偶一來  
崦外有人家犬吠聲如豹不敢出簷門隔籬窺客到  
老農六十餘手倚樹爲杖自言筋力强一日山十上

宿陽江縣太平館中作館舊爲書院

解衣暫抖馬蹄塵乍覓蕉窻一色新口上扶桑方吐艷  
雨餘勒竹已成筠久聞海近無貧戶却喜山深有秀民  
休再寓人致薪毀殷勤爲勸後來人

題熱水池和高廉觀察竒麗川豐額題壁元韻二

首一五律一七律

粵東原熱地更以熱名池濯去陰陽混探來善惡知二  
巾疑火浣一屋似烟炊惟有熱腸客偏留執執詩  
鷄舌同含憶舊香天南復共瘴炎方平生原不因人熱  
此水偏如對我涼蕭寺來時鴉滿樹小亭立處月依裳  
知君浴罷方歸詠孺子羣歌濯足浪

題高廉觀察奇麗川小照二首

奇士多奇想胷中別有天仁風披一卷明月印千川竹  
葉千杯少楊枝百步穿晚來窻下坐猶誦小倉編好簡齋詩  
文章看榜首政事白雲司人到蠻烟靖天看瘴霧披愛  
民今宋璟佐治古辛毘展畫如相晤誰言室遠隔道署與試

院通近時麗川在省故云

題茂名閣蘆溪課子圖二首

雙梧百尺碧森森中有書聲似鼓琴想見一經親課子  
滿籬不肯羨黃金  
雙雙合璧氣如虹珠樹誰言未許同昨日又傳湯餅會  
添丁真不愧盧仝

由化州至石城道中作二首

山光染出翠陰稠處處秧針繡綠疇誰向桃花林下住  
一溪春草飯耕牛

枝間臙腫波羅蜜盆裏杖柯鐵海棠獨坐無人山鳥散

蟬聲隔樹噪斜陽

由龍灣至清坪作

日漸炎雲過天兼瘴霧拖山荒春樹少海近大風多看  
竹皆吹籜聽禽半插禾籃輿一睡足已失醉顏醜

廉甯道中望海

地勢遙環島天痕俯接瀾颶吹山欲倒海煮水凝乾易林海老

水乾似鷓身將退如鵬翼竟搏瓊州何處是雲霧總瀰漫

橫山

路轉橫山又一村清溪曲曲抱柴門烟開柳港添新綠  
雨滿秧田失舊痕人立樹陰看犢卧天穿葉隙見鴉翻

豐年光景深堪慰更得書聲出短垣

四月初九日渡海

地盡天南一海橫茫茫四望水雲生雨來先見龍孫走  
風過還聞颶母行萬國朝宗番舶至百靈護衛使舟平  
要知鐵網扶桑處定有珊瑚樹早成

瓊山試畢示李琦符家麟二生

海南得二士李琦符家麟麟貌如玉樹語微雜澆淳琦  
面如擊麋吐屬皆蘭芬我持白玉尺觀風駐海濱波濤  
盪日月奇氣吞鼉鯨火樹然珊瑚珠璣生蛟蜃固宜有  
碩彥以充鐵網珍 聖朝鴻造士雨露遐邇均得此喜

不寐渾忘航海幸其餘非無採葑菲難概論薰陸與旃檀何足挂齒唇嘉木在培養培養木乃春奇寶在拂拭拂拭光益新還當策二子名者實之賓

謁洞酌泉蘇文忠公祠與諸生分韻得發字

誰謂雙泉甘論自蘇公發味泉兼濟詩萬古兩清深我忝蜀後進奉使遍百粵於惠復於瓊遺踪幸未歿每到輒題詩餘風肯令歇譬如事先生步趨戒勿越倘隨六君子未知指可屈今晨出瓊東石像領生謁烹茶更分韻不成例當罰惜未祀陸公亭名所出乞序戶太守承議郎陸公求亭名與詩故將至遂溪十里山有小菴偶憇見壁上有任北麓

詩二首頗佳因和其韻

山路鐵雙峽禪房瓦兩層熱同蒸甌客喜遇放刀僧僧

營卒已覺心無暑何須手握冰寥寥不數語又可續傳

燈

何期小嶺上轉有大溪聲菴毀還題字山低不問名烹茶聽蟹眼行李候雞鳴安得同鄉令同來話夙因邑宰

題石城明府喻黎川寶忠同年雨賜亭

我昔過此亭空梁欲吹倒今復過此亭畫棟都完好賢侯愛民如嬰雛得雨甚於玉與珠不信試看綠雲匝四



郊鋪出豐年圖我與賢侯文章友吏治能追玉局叟喜  
雨亭繼雨賜亭兩俱不愧民父母池塘如鏡寫魚鱗幾  
回秋去幾回春獨有此亭能萬古青山閱盡往來人

高廉觀察奇麗川署中招飲席上有贈

深山那復有鶯聲乍見依人小鳥靈楊柳作腰偏裊裊  
芙蓉如面竟亭亭身輕為有風前舞韻細還宜月下聽  
覆額粧殘螺黛盡遠山猶剩一痕青

懷奇麗川

豐額

題熱水池壁間欲麗川來此見也

一掬溫泉又拄筇溪雲疊疊寺門封萬山只隔高簾路  
回首斜陽樹萬重

腰折一壺渾不俗身輕三沐漸無灾題詩寄與賢觀察  
贏得平身受拜回

予別麗川時適病  
腰不能答拜故云

題幢石巖

幢石何巉絕攀躋特一來山從平地起洞向半天開佛  
座烟霞護仙鬟霧雨霾何人吹鐵篴直上唱歌臺

相傳  
劉女

成仙於此旁  
有唱歌臺

新輿道中見陳生潞來謁

山重溪複人雲深叠叠風帆出樹林驟雨欲來平野黑  
斜陽欲下半山陰羊城乍隔思親目鳥道高懸憶子心  
正是捲簾孤寂坐盈盈一水見青衿

重山詩集卷二十二  
六  
題海珠菴

臨流欲賦詩偶向盤石坐灘急萬魚橫溪深一鳥過清  
陰不知寒綠淨亦可唾忽驚鏡面中照見我一箇

八月初一日送臬司梁心石敦書赴湖北藩司之

任

九重初錫楚藩宣百越風高擁畫船魚鱗久肩籌餉重  
熊羆新見事專權風清月朗懷中聖粵臬署與學署比  
隣嘗約檣頭過獨漢  
廣江深見政賢黃鶴樓前倘相憶一輪皓魄共心圓

和提戎章書亭紳見贈青田石元韻

羨君鬢鑠髮如鶴凜凜霜鬚秋不落羨君勲業同樓船

浩浩氣魄高凌烟昨於羊城親丰標光風霽月浮雲消  
昂來鵝城相促膝酒闌燈炮語未歇四壁圖書何爛斑  
觸手琳琅皆青田知君虎帳兼文事不特龍韜空武備  
從來宦味皆皮毛誰肯豁露胷中豪要知報國凌雲  
氣十年洋海靜無事捲君青田珍行囊何時追琢逢元  
章

和觀察陳絙齋繩祖獨遊白雲蒲澗寺至廉泉寺

觀梅原韻

鎖院深嚴長閉門天寒濁酒聊相溫邇來對花忽不憚  
看山竟欲隨山猿蒲澗之寺在咫尺望中似有林鴉翻

二年不至真自俗豈果高擁居輪軒昨者小輿纔命駕  
蠻語參軍來相援爲指翠嶠折屐齒又言山荒似太始  
無邊清興爲索然但見烟霞亘蒼紫我聞寺爲仙人宅  
頗有奇藥名不死秦皇學仙固可笑赤松弗遊亦堪恥  
不採菖蒲花九節十年槁木何由起若有美人林下來  
未得溯洄隔秋水豈意耳畔聞濺濺乃是詩人思湧泉  
三日不見陳驚坐便有秋江筆底懸爲言寺在白雲邊  
磬聲延客清且圓紅蕉青荔映菴外窻中時有僧談禪  
更爲抵掌說奇事晴天亂雪鋪茵蘊穿林一片黃昏日  
暗香時向衣袂傳鄧尉梅花三十里相較何曾值一錢

我聞梅開子之半何以仲冬如殘年葭灰未飛春已動  
得毋嶺外陽多愆前身林逋卽君是定有白鶴招山巔  
月下美人夙緣在供君寵玩如爭妍不然何以獨身往  
絕少俗孽來相纏羅浮尚自付夢寐人境不到安論仙  
五羊城中十日雨海底蛟龍朝水府舟行江上易爲詩  
和成倚枕萬三鼓君不見東坡夜讀阿房賦老兵敢言  
不敢怒

東安王明府送石屏四座二首

蒲帆一路看青山半爲烟霞薄薄瞞却得東安賢太守  
分來四片好峯巒

誅求到石未為廉多謝神君送兩擔試問虬髯無恙否

點頭頑石亦掀髯

石作虬髯狀王君多髯故云

舟發珠江將試韶州和陳絙齋繩祖送別韻

扁舟南海發一片水天明屢警鯨鼉色長思鴛鴦情三  
杯燒短燭五字見長城若論誰詩伯輸君最有聲

雨過峽山寺二首

輕舟入中宿勝境一何清溪樹風多響山花夜自明廟  
荒饑虎下灘急牯牛橫遙憶松門老高吟和鐸聲

春事今年早山山發嫩黃氣蒸榕葉換風暖蘋苗香撥  
刺魚跳急鈎輓鳥語忙炎州真異俗一雨便添裳

我聞梅開子之半何以仲冬如殘年葭灰未飛春已動  
得毋嶺外陽多愆前身林逋卽君是定有白鶴招山巔  
月下美人夙緣在供君寵玩如爭妍不然何以獨身往  
絕少俗孽來相纏羅浮尚自付夢寐人境不到安論仙  
五羊城中十日雨海底蛟龍朝水府舟行江上易爲詩  
和成倚枕萬三鼓君不見東坡夜讀阿房賦老兵敢言  
不敢怒

東安王明府送石屏四座二首

蒲帆一路看青山半爲烟霞薄薄瞞却得東安賢太守  
分來四片好峯巒

誅求到石未為廉多謝神君送兩擔試問虬髯無恙否

點頭頑石亦掀髯石作虬髯狀王君多髯故云

舟發珠江將試韶州和陳絙齋繩祖送別韻

扁舟南海發一片水天明屢警鯨鱷色長思鴛鴦情三

杯燒短燭五字見長城若論誰詩伯輸君最有聲

雨過峽山寺二首

輕舟入中宿勝境一何清溪樹風多響山花夜自明廟

荒饑虎下灘急牯牛橫遙憶松門老高吟和鐸聲

春事今年早山山發嫩黃氣蒸榕葉換風暖蘋苗香撥

刺魚跳急鈎舫鳥語忙炎州真異俗一雨便添裳

白雄至韶追送觀察李隨軒廷揚入觀

百里風帆似有神平明已至曲江津行裝載道猶遲我

餞館臨江已簇人二月春波扶桂楫五年溫語對楓宸

旗亭不是多惆悵百粵惟君誼最親

吳澹圃雅太守新建白鶴峯新亭是日方試府學

諸生童咸在遂命以東坡移居詩起句林行婆家

初閉戶分韻為詩擬作婆字韻一首

令威化鶴竟如何蘇老風流迴不磨朱閣喜看連堞起

青山依舊隔江多雨風似認朝雲偈富貴真同春夢婆

拔薤從來賢守政循聲先聽泮林歌

通衢 在龍川縣南五十里

數家烟火小橋西  
穉穉平疇翠剡齊  
雨後菜花蝴蝶鬧  
夕陽村落鷓鴣啼  
二三健婦頭蒙帕  
八十衰翁手拄藜  
却憶一封朝奏客  
如何不共樂昌題

惠州新試院落成兼賀澹圃

凌雲棘署絕囂塵  
畫檻朱欄結構新  
新月桂定多攀折  
客風簷俱是過來人  
三年矢志金沙揀  
十日華居酒盞頻  
聞道蘇公遺教在  
西湖定少暴腮鱗

出棲禪寺至白鶴峯望江上諸山

青山無數入江雲  
一一螺峰裊篆紋  
壁立如人森萬笏

潮來似馬赴千軍  
絕無隣舍青尊酌  
也有人冢白袂裙  
最是獨遊岑寂甚  
梵聲相答雨中聞

連日雨漲由惠州一日至廣州

三載軒車屈曰歸  
心旌已自駛如飛  
舟行近岸方知速  
雨霽濃雲漸覺稀  
綠樹青山俱過眼  
蠻烟瘴霧尚沾衣  
最憐一事輸蘇老  
三百離支與願違

重九招主考中允王蔭臺 仲愚 吏部陳簡亭 大文

遊光孝寺命新解元順德張芍房 錦芳 新舉人東莞劉翼如 輔元 庾粵峯 泰均 增成湛東塘 祖貴 咸

陪分韻得詩字四絕句

黃菊尚無信重陽應把卮炎方秋不到天使例留詩

光孝榕陰滿文宗羽蓋遲三年兩讀書惟欠貫休詩詩有

唐貫休畫羅漢二軸真蹟于是日再觀

髮塔菩提葉鮫綃織作絲不堪持贈客只可寫新詩

人是駕行舊天逢雁過時今朝應爛醉金谷不因詩

輓兄寅工煥元

兩載填箎頓永離十行老淚不勝垂人稱醇士真無忝

天折貧儒亦太奇扶櫬最憐分道日同堂猶記讀書時

刮毛龜背龜何有聊煇清囊寄兩兒

放猿井序

猿自高州攜來養之學署已三年矣遍體純黑

性極慧黠通臂善緣能半空轉不喜著地非荔

不食今任滿回京舟過峽山因繫詩於頂放

之

嘯咏相從已二年野賓忽去轉淒然預知過嶺難尋荔

故造攀巖任飲泉喜暖為生南海地畏寒豈慣北風天

此山舊有歸猿洞逐伴追隨好聽禪

黎尚遇觀察李隨軒延場回任舟中話別

一江燈火使君船道是隨軒問果然淹雅昔原推陸瓊

簡刑今尚說桓宣廣東中丞又川李公誅番禺菱魚龍

童山詩集卷二十二

出窟聽詩句鳥鵲移枝避別筵直到啟明星始去萬山  
回首但雲烟

過英德縣

看盡山奇與水奇舟行那怪泝流遲灘聲似雨前頭響  
巖影如雲撲面垂尚喜激無孫子礪不妨拜學米顛痴  
英州處處堪留戀獨有南山未忍離

廬江夜泛

天水相連星斗明奇哉此景恰三更帆迴山背風無力  
櫓剪江心月有聲浦際遙聞人喚渡城邊早見吏來迎  
何方乞得徐熙筆畫我今宵再泛瀛

恭祝萬壽一百韻

謹序

乾隆庚子八月 聖節廣東學政臣李調元恭進

洪維我 皇上紹統乘符循璣立象顯清輝

於斗極受靈筴於泰元尺五雲霄雀獻昭華之

瑄大千世界龍呈宛委之書固已月晷含祥乾

維效氣塵清九服卧銅鼓於戎亭瑞卜三登耀

金船於靈沼茲屆上章之歲適逢 聖壽之期

香動奠階榮生桂闕黃輝煥彩捧來五色之雲

紫玉摘英鐫出長生之字合圖書者數千百所

敷文德者四十五年分衽席以同春盡綸裳而



稟朔而且七戎奏捷矢落天狼四庫搜奇字釐  
帝虎鑿空萬里秋生首藉之風採錄百家香動  
蒲萄之錦武功彪炳文治光華旣庶事之咸康  
斯一人之有慶加以詳求民隱懋復時巡飛  
芝蓋於南天啓紺轅於北闕平連齊魯河聲嶽  
色之間時協雨風萑葉杏花之外幾程綠水箔  
是琉璃一路青山圍開金碧然而睿慮方殷  
於澤國宸遊豈玩夫物華燭白壁以沉河駐  
翠華而望海蛟龍氣靜不馳竹箭之流烏兔  
光清常見扶桑之樹無憂蟻孔金隄則虹百一

條齊作魚鱗石鍵則雲連百里况乃恩敷赤  
縣膏被蒼生木鳳銜書芝泥九莖之露金雞放  
赦草蘇三日之霖暢士氣於槐宮扇芳草於莘  
野青旂蒞止不費酒漿曜髮來迎報之蜜麪揚  
壽考作人之化道穆垂裳聽康衢順則之謠風  
馴擊壤維帝包元而履德維天隕祉而發  
祥是以波動榮光山傳靈響千宮劍佩遙承吉  
慶之花萬國衣冠共譜昇平之曲神符太乙合  
東西南朔以清寧星燦長庚並日月岡陵而綿  
固生聖人有道之世仰企龍飛誦天子萬

年之章願爲虎拜敬陳篇什用代賡歌其詞曰  
海屋添春早璇圖啟 運長芸生思就日 聖主正  
當陽五色雲霞氣三千鷓鷯行應時調玉燭隨地固金  
湯上瑞文呈赤長生籙衍蒼 一人恭作肅 萬歲壽  
而康持敬恭無間乘乾體自強心傳綿舜禹治理契陶  
唐日月鐫圭璧山龍補衣裳德輝昭黼座神藻挾天章  
喜氣賡歌會雍容翰墨場 睿懷通造化奎壁接文昌  
緹帙輝金蕊瑤篇陋栢梁精華搜四庫遺帙採殊方宿  
火青藜杖春風芍藥香訂訛如掃葉去穢類排糠衛客  
釐三豕將軍辨四羊校讐多士苑陶鑄自吾 皇萬有

歸包孕諸家盡括囊奇書叅夏鼎善本聚春坊共仰斯  
文盛遐思我武揚穴焚金嶺燈臂斷雪山螳每見三驥  
獲寧容貳負藏 王師皆虎視戰馬盡龍驤地闢千重  
詳途盤九曲腸蠻雲寒首藉劍氣掃攬槍雨洗礪樓淨  
花吹茄寨香頻年勞 廟算大凱脫戎裝敷德陳干羽  
成功息斧戢有威相格被無國不梯航猶以東南重兼  
之黎庶康練時諮太史建旄命司常佩璫何曾費耕漁  
絕不妨五巡繩 祖武千里達康莊齊魯同門戶汪  
湖入混茫嵐低浮翠葆岸迴泛沙棠虹影爲橋待龍身  
夾艦翔吳頭還楚尾隋苑又錢塘峯是芙蓉掌泉真瑤

瑤漿玉壺冰一片瓊宇水中央出豈緣游豫行彌肅紀  
網帷宮閑栴栳林殿不珠璫尚儉師三古求瘼凜七襄  
天顏瞻咫尺民隱厪巖廊時也方芸耔羣焉立井疆  
田知無草宅物驗厥心臧綺罽新肥麥芳塍漸揮秧幽  
風兼草木農話只耕桑 帝省恩無極 宸遊樂未遑  
江南波正綠河北浪全黃念昨桃花漲深籌竹隄防自  
從經 翠蓋乍見發榮光祀典金繩肅靈颺玉節颺無  
煩歌瓠子不復決宣房蘭采看神撥松舟可葦航安茲  
四瀆長視彼百川玉凡水皆歸壑惟民切望洋海濱勞  
鳳輦天策奠龍堂鞏固魚鱗勢平安估客櫓利輿斯

絕害德茂乃凝祥本是 皇仁普翻令 帝力忘好風  
隨律轉遲日以時賜人在羲皇世居皆廉讓鄉可云咸  
得所猶且 視如傷頻減丁年賦重蠲甲戶糧雞竿衍  
雨露犴戶靜銀鐺網直開三面膏先徧八荒牲醪酬  
壽耆棹楔慰釐婦起廢無鐫秩行糜有宿梁朱提頒內  
府紅粟出神倉豐阜時堪驗文明象益彰莘蒿原飼鹿  
梧竹合棲風多士收南國羣才廣上庠天人追董子南  
雅顯毛萇辛苦三條燭艱難兩鬢霜寸心垂老壯一第  
特恩償浩蕩波同渥昭回日有芒厥聲威月竄至教  
被河湟星斗聯冠冕江淮達筐筐塗山玉帛盛虞陞股

肱良鳳翥鸞騫外 爐烟扇影旁 琴風能解慍 莫露欲流  
 芳地瑞銀呈 甕天文斗戴 匡真形圖五嶽和 響曼雙橫  
 路卽蓬萊島 山稱靈壽岡 升恒綿厥算 金玉作其相 寰  
 海 昇平慶 綸言典誥煌 樓臺涵翡翠 歌詠比鴛鴦  
 聲聽尚書履 茵連御史牀 傾心慕葵藿 特達顯圭璋 書  
 獻千秋鏡 春生百福觴 臣羹和鼎鼐 主誼洽笙簧  
 賜醴霞爲液 分鮮肉截肪 紅雲凝朶朶 仙樂奏鏘鏘  
 天上聞簫管 花間換羽商 菲才慚短綆 賦手愧長楊 每  
 以冰心矢 頻叨玉尺量 螭坳懷肅穆 虎拜憶趨蹌 午陛  
 宸旒煥 寅階黼黻張 光華占復旦 瑞氣滿天闈

辛丑

早發通州至九松山寺和崔大司寇應增壁上韻  
 橋南小寺偶停蹤 嘯傲居然膝可容 春以綠陰歸萬柳  
 天將青色染諸峯 百年不老堦前石 萬里長思屋後松  
 莫道遺民半非舊 癡僧雖老尚能筇

觀音菴 在古北口外兩間房

關門初出客程兼 四月垂楊綠漸添 瀑布雨餘穿石罅  
 邊墻雲裏走峰尖 兩間房小何妨憩 一盞茶粗已覺甜  
 農事正忙僧未返 佛龕拋却破楞嚴

度紅石喇梁 口外呼嶺曰梁

歷屨一嶺亘虹霓  
回望南天疊嶂西  
日落行人千蟻上  
雲開立馬萬峰低  
薄裘不禁風聲刮  
村屋多疑雨色迷  
記得去年梅嶺路  
依稀只少鷓鴣啼

黃土梁

翠巘迎人路  
日灣一重山  
矮一重山  
漫言春色堂堂去  
開遍桃花四月間

西柳溝

水細不成河山  
遙漸作坡民居  
依樹密驛路傍溝多  
魯酒甘如醴  
居民多山東人  
流寓吳棉薄似羅  
是日頗寒喜聞王化遠  
到處有絃歌

題金氏館

松蘿一徑下遙岑  
雲外幽居愜素心  
瓦雀晴翻窻外影  
隴牛閒卧樹中陰  
麥因雪凍芽方茁  
柳爲風搜葉未深  
一碗茶甘留舌本  
新詩寫就自長吟

自平泉赴建昌

原名塔子溝  
新改爲縣

撲面狂風未禁當  
廉纖小雨點平岡  
山無向背隨人轉  
路有高低仗馬強  
樹聳鐘樓知寺近  
桃開野店覺村香  
不須抖擻衣塵盡  
准擬歸時十斛量

平泉州

原名巴溝  
新改爲州

細脈何年洩泉名  
冠一州湧來雖釣  
笑瀉處總半流不

章山詩集

卷二十二

七

井千村飲非田萬頃收昨宵風雨猛疑是老龍湫

雙廟店壁題通州糧船圖

誰將尺幅寫通州城郭樓船眼底收此日關心催運急  
風沙千里尚巴溝

渡大凌河

問渡大凌河風聲滿樹柯天連沙磧遠水入亂山多苦  
霧蒼蒼合流雲淅淅過不知遷土客鄉思竟如何

木頭城

萬鴉盤陣處搖指木頭城人雜牛羊氣山多虎豹聲家  
家番字幟寺寺梵文旌莫謂邊風惡香醪異樣清

雨駢朝陽縣題釋照鉢山水畫

一幅青山綠水圖居然筆意近黃蘇不知絕頂松根寺  
可有番僧得到無

丸房

塞上清和候寒冬十月同空山一夜雨老屋四邊風面  
襯貂裘黑爐添獸炭紅更聞人較獵射虎出林中

馬廠大雪

大雪從風下邊荒四月天花開無葉樹徑糝未鋪氈  
帳人何往霜驥馬可憐沉霾何處豁見睨出雲烟

波羅腦普惠寺

遊山詩集

卷二十二

六

沙際波羅腦禪房一徑分僧眠半菴月馬渡一溪雲紅  
藥何人贈清談未有羣南山將有雨先送礮車聞

九月初六日過燕郊題廣惠菴贈印千上人

小橋楊柳濃陰遮招題處處皆栽花偷得簿書閑半日

來喫山僧供佛茶花無別花花皆菊笑同司馬品名目

謂同事屈指重陽一瞬來豫當登高踏山麓山僧自言

七十歲去年潞水奔寺內重新賴有沈與高天津觀察通牧二公

不然幾為魚鼈廢我本治河監司官聞言頓覺心難安

聖恩愈深責愈重但祝慈航求安瀾爾亦齋粥勤加餐

觀爾鶴髮與童顏

九日同坐糧

菊花香入酒中聞九日秋光已十分橫野樹多濃似霧  
隔河山遠淡於雲漁歸野渡無燈火雁落平沙有篆文  
不是登臨賞佳節漕船歸盡慰辛勤

十二月初五日大雪至長新店宿二首并序

弟墨莊暨門生莫景瑞以詩來祝予四十八金

剛經莫所寫也

馳騁人間翰墨林飛騰四十八光陰胸無塊礪眠俱穩  
眼有雲烟帖尚臨難治古稱三輔最易衰今畏二毛侵  
蘆簾獨對渾無事袖手寒爐抱膝吟

童山詩集卷二十三  
舍弟能爲長夜飲莫生仍是昔年顛並衝銀海來相慶  
代寫金剛亦自賢春氣偏生檀板上寒霜不到畫堂前  
銅龍燒器人何往又到蘆花曉月邊

童山詩集卷二十三

壬寅

綿州李調元雨村

山海關登澄海樓望海

南海陬來北海陬水雲高處一登樓眼明箕子曾封國  
身到夷齊共讓州烟島迷離疑蜃市風波浩蕩斷漁舟  
去年曾記雷瓊過五指真如釜底遊

悼妾馬氏四首

子役東南八載餘追隨何異輔車如曾同私語百年老  
忽斷遺言一紙百山海淒風來灑袂潞河烟樹阻回車



童山詩集卷二十三  
膏自底事無人救家有參苓一擔儲

去年奔走度支差聞爾寧馨得小孩纔喜已疑胎未足  
急歸先見淚頻揩我腸雖斷時相慰汝少何難月入懷  
悔是分離酸鼻處不將身後一言該

三日歸來八百程蒼棺猶見面如生原知魂氣之難返  
苦恨音容夢不明老淚那禁河似瀉深閨尚記岳爲盟  
呱呱兒女雖分託索母纔聞又失聲

聞言不肯昇南村只願畿東作九原此處萍浮聊寄泊  
從來葉落必歸根河東獅子雖聞吼隴上牛眠應返魂  
王樹園中聊芝汝此間誰遣守瑩門

重過平谷萬壽寺

立馬田盤第一峯上方風送講筵鐘寺名萬壽停新輦  
路人三河失舊蹤春柳帶烟堪繫馬古松經雪盡蟠龍  
回思十五年前事惟有青山不改容

和祥觀察酒帘韻并序

觀察霸昌祥彙以舊作酒帘詩見示有送客船

停楓葉岸尋春人指杏花樓之句清雋可喜依  
韻和之

誰家村店酒新篘尺布斜懸豁遠眸  
微風飄小巷每經細雨挂高樓  
愁城得爾真能破詩癖逢君醉未瘳

最是銷魂人醉處隔山回望尚墻頭

五月十一日宿南口 在昌平州

年來筋力竟如何馬上迴還尚似梭  
萬慮洗心全澹泊  
一生強項未消磨濃雲過雨成峯少  
驛路逢山亂石多  
梵宇城凹禪榻在緇經又欲問維摩

居庸關

天塹初來第一衝鞭絲帽影出居庸  
太行西走青牛匪  
大漠東來翠萬重雷起石稜車倒馬  
霜飛人面瀑懸龍  
太平幸際同文日暮壁垂巖看墨踪

八達嶺

晨出居庸關午踰八達嶺細逕如長蛇  
穿壁漸若蚓怪  
樹夾人行斷橋倩客引崖崩虎橫道  
倒石馬避筍天低  
山欲圍峽仄日似暝及茲出重關夕陽  
仍在頂衆山如  
夏雲幻出奇峯影戍卒睡昇平婦子  
話間井客程無意  
中得此豐年景

土木驛

誰遣天子雲端墮天寒足冷沙場卧  
尸橫百萬駕獨還  
畢竟周公無處坐往日蒙塵事可哀  
至今土木遺枯骸  
圖像麒麟誰第一沙狐狸向南朝回  
智化寺千載詈顯  
忠祠萬古垂君不見昔年行營窩兒  
帳尚有黃龍騰其上

過土木謁顯忠祠

闕豎能令天子走忠魂不共虜皇存徽欽比辱猶差勝  
羸得生還賀奪門

新保安

先大夫曾為宣化司馬分駐於此

父書手澤迄猶新城郭依然舊日春不識遺民今在否  
青山認得老蘇洵

鷄鳴驛

未至鷄鳴驛已見鷄鳴山突起如張蓋窈窕盤雲鬟聞  
昔唐太宗北伐踰塞垣中夜聞鷄鳴起舞興哀嘆又聞  
古代姊磨笄於此間年深不可究廟貌徒尋顏我來想

登陟斜陽已莫攀前途沿黑石響水空潺湲

宣化買驢渾身全白名曰珍珠

不用種鞍配天然白衛姿面宜諸葛字背載浩然詩雪  
洗全身玉霜尖兩耳錐珍珠名不玷薏苡漫相疑

宿泥河舖伏魔宮夜雨

雲霧溟濛撥不開伏魔宮內水成災更無地主眠方熟  
風打簾聲又醒來

宣化府登威遠樓

雲州自古帝王家遊幸年年望翠華避暑有宮當雁塞  
長春無殿接龍沙明妃塚上連天草蕭后園中滿地花

若問俠邪威武事豹房寂寞咽悲笳

冰山行 并序

六月二十五日夜閱山東于易簡邸報苦暑不寐呼僮起索茶沃渴馮子亦未寢相與對冰盆夜話馮言安得以冰為山樓閣簾櫳皆冰為之坐卧其間乎此語痴絕然聞之便覺涼氣拂拂侵人兩腋頗解頤也馮子磨墨請詩便作數韻而胸中兀兀欲作遂興盡而止以語似樂府故

曰冰山行

星斗滿戶天無風大暑酷吏真相同夜闌不寐起呼僮

七碗之茶驚周公忽聞兒女聲嚶嚶安得以冰為山為樓為閣為簾櫳四面玻璃掩映皆玲瓏仙子風鬟霧鬢霜雪容坐卧其間酌沆瀣飲瓊漿傾碧甯恍若置之迎風含露玉壺中不知何處為祝融我聞此語忽高歌冰山見日兮將奈何

遊偏橋灣觀荷

一片濃陰不似秋出城數步即滄洲殘荷更比新荷好蘆葉還如竹葉稠亦有高橋能過馬若非防汎敢停舟歌聲唱出蓮珠轉驚起雙飛水上鷗

通惠河紀遊和編修祝芷塘 德麟 侍講王春甫 懿

修見寄原韻

監司職雖外去京未云遠同朝舊鴛鴦相隔城蜿蜒再  
約君勿疑五闢我所懋長鬚報登程水手候啟堰一路  
葦風披兩行柳波偃泛水小鳧輕凌空秋隼健仙侶盡  
同舟况有百丈輓如何王子猷興盡遽言返

人事日杲杲河水日悠悠不因出東門何以知深秋我  
友祝芷塘美人空谷幽扁舟一落手浩蕩寫新愁高歌  
凌滄波磊落真吾儔鐘聲撞落日塔影明城樓相望壺  
蘆頭一笑蒲帆收見如此客不爛熳談糟邱

潞水天下源頗具東南美綠樹映紅橋漕船百餘里何

意石壩邊得我故人艤衙榻雖繩樞繫維亦堪止翻翻

者何人騎馬知章似幸不井底眠撫掌一見喜尊前共

相笑若我輩有幾莫嫌酒味薄齋本名如水余有齋顏日心如

既來惜匆匆既去猶耿耿送君返河橋立盡斜陽影詰

朝人語傳未越慶豐境津吏前致詞聊借一宿醒荒雞

不成寐殘燈對酌劇憐三條水余弟檢元聚此一宿冷

急行無善步古人言最永得魚當忘筌豈不見答答

紛逐駟人海喧闐矢天籟欲言發清興必在郊之外但願

不時來一豁雙眸大田盤山若環通惠河爲帶地濕雨

濛濛天高雲靄靄波平悅鷗心野澗露鴉背况趁秋日

童山詩集卷二十三  
佳慎勿失後會如續泛舟圖煩添我入畫

附原作

編修祝德麟芷塘

尋山不知疲尋水不知遠邈哉通惠河傍郭何蜿蜒  
貫珠外層透曳練內東榭樹色弄漣漪濤聲歎防堰  
渡頭喚烏榜一牖一遲堰水容連野寬山谷帶秋健  
昔年費開鑿本以利漕輓却使濯纓人沿流便忘返  
漢陂樂未極剡溪興更悠故人官通潞畫戟森高秋  
衙齋似禪房花竹深且幽開軒坐一榻已足減客愁  
酒食豈云德肝膽誰與儔憐我眼界窄携我上高樓  
大光樓爲通州最高處樹齊山玉簪豁達勝槩收潞水滔滔下

因之思故邱

懷歸願徒違薄遊亦云美情深重小別送客若千里  
扁舟載芳酒欲向葦間艤暮色蒼然來夕陽不可止  
寒驢挽繚率乘船而車似兼葭相與引鷗鷺近人喜  
外吏意氣驕似君能有幾何處桃花潭八里橋邊水  
橋邊水潺潺林外星耿耿徘徊慶豐間參差覓燈影  
瀧吏不我詎倒屣孤寂境况聞鄉語軟如夢適初醒  
間吏曹瑗海鹽人爲具雞黍村醪雖云薄開懷共酪酏相邀秉燭  
遊荒荒夜氣冷星光不帶水天色浩與永微聞柳岸  
邊網戶納笳箏

滄洲思吾道茅屋歇衆籟急溜無停喧餘響不在外  
恍疑棧閣中到枕灘聲大鳴雞喚客夢未曉先束帶  
楊舸俵歸途一葉破烟靄暗暹射雉角微霜糝蓬背  
欣然兩目間且暮景畢會欲扳王子猷謂春甫添人  
舊時畫壬辰癸巳之間曾作秋汎圖紀述  
附和作  
侍讀學士王懿修春甫  
仙班忝後塵儼居頗不遠著書日千言浩氣何蜿蜒  
恣將汗漫遊不受重城楫東邊通惠河新水漲堤堰  
烟寒楊柳疎風急荻蘆堰一官得閒遊飽食秋彌健  
雲檣各鱗次玉粒分輪輓沿洄指潞河乃自中流返

騎馬似乘船此語誠謬悠迎風控紫燕雙翩凌高秋  
伊人水一方花逕彌清幽開筵引大白澆盡離別愁  
敷歷自中外冰署皆朋儔春風乍按部清德猶名樓  
通潞古名勝輸與錦囊收含情爲賦別斜日銜山邱  
龍眠傳三李華萼真具美少者見頭角名駒自千里  
清談坐忘機暮壑偏舟艤側聞瀧吏賢造門自投止  
解舍只三楹愛與吾廬似休歌行路難翻覺得朋喜  
雙屐固悠然人生當著幾蒼茫宦海中踪跡如萍水  
秋月白溶溶秋河尚耿耿平明眼界寬金碧舳稜影  
渡頭一葉舟歸泝空明鏡奩乍開沙鷗夢初醒

童山詩集卷二十三  
白蘋風襲人，卯飲快醕。酌舊遊，曾幾時。生涯頗耐冷，霧縠與霜花。水光曉逾永，早有羨魚人。船頭理笊箸，投我瓊瑤。辭風雨，鳴天籟。讀罷更披圖，置身人境外。芥子納須彌，尺幅乾坤大。仙人快乘槎，環繞青羅帶。惠我作卧遊，豁達入清霽。秋水蹙魚鱗，神仙負鰲背。圖成已十年，茲遊續嘉會。濡筆欲長吟，聊作有聲畫。  
七月既望，望編修正塘。麟 戶 允 王 詒 堂 燕 緒 侍  
講曹習菴。仁 虎 學 十 邵 香 渚 庚 曾 宮 詹 劉 青 垣 耀  
雲泛舟偏橋灣，遂至鴻雪堂。讌集歸途，芷塘及習菴。登前韻見寄，芷塘並索盆桂次韻答之，兼寄諸

君南酒數種

去年君來遊，風流事未遠。歲月真如蛇，不覺去蜿蜒。今又排闥來，匪我門不楫。沿河雖有閘，直達似無堰。遂令斗室中共此一榻，偃君疲欲小休。我神王正健，天明去何速。又費百夫輓，惆悵普濟邊。至今悔合返。

我如江上漁，日見水悠悠。君亦如賓鴻，其來必以秋。非爲稱梁謀，兼愛雲水幽。渾如過瀟湘，烟波生暮愁。同來二三子，灑落皆賢儔。十年各南北，何期聚一樓。人語如宵蟲，日出聲始收。客去杯杓在，狼籍成山邱。

我友性耽吟，佳句驚子美。聯翩疊舊韻，寄來五十里。詩



思下水船灘急不可艤方流或遇玉洄漩行復止及起  
大波瀾江淮河漢似簷下展鯨緘讀罷須眉喜同年三  
十六此才能有幾投我以瓊瑤報之以杯水  
今年桂花稀幾點晨星耿覓之大航頭不見月中影竊  
疑未有禁何竟不入境君胡索太急驚散一杯醒申申  
其詈予來詩破酪酏不惜踏鐵鞋聊寄一株冷鷺嶺天  
香遙莫遣歸思永他年西湖畔好約帶笭箬  
好客非沽名我亦厭羣籟時借倒屣迎薄游城以外山  
色水光中地隔天亦大寮吏半裁冠仙侶畢解帶絲竹  
亦清音長杯吞暮靄水破一篙碧風翻荷葉肯但願同

心人年年爲此會君如見我詩定許詩中畫

附原作

編修 祝德麟 芷塘

通州衣帶水熟經未云遠曠望城東隅雉堞青龍蜿  
凌晨飭徒旅門闕適啟鍵故人已遣迎長鬚候堤堰  
瓜皮艇子小亦足容坐偃訪舊懷孤紆探勝興雙健  
晶晶川塗平歷歷百丈輓方當鼓柁歌那計及門返  
菰蒲理鷗夢自足景趣悠鏡水湛虛明豁然開素秋  
每當一屣盡但覺泉聲幽波岸佇烏篷初無淫滯愁  
滄洲旣協趣裙屐兼嘯儔何殊越中行晚飯靠柁樓  
舉頭天外影孤塔斜陽收卽此自可樂豈必尋蓬邱

鳳聞偏橋灣繞郭芙蓉美秋波照愁紅離披尚十里  
主人載管弦去聲客橋邊艤撐舟度雲錦曲折行復  
止納涼丈八溝此境或相似何處新鶯聲嘯弄自可  
喜人生貴行樂知心况有幾不見茵苔花飄紅逐流  
水  
官齋排綺筵下馬星光耿華燈爛銀燭照出驚紅影  
笙歌喧兩部認是迷離境却有愛花人品花眠獨醒  
小戶酌巨觥豈爲貪酪酊夜來倘有香取韻在閑冷  
遂使扶頭花獨願涼宵永越客費千絲得之以答著  
爲歡無停機罷宴有餘籟逢場聊遣興放浪形骸外

不受羈勒牽乃識乾坤大告歸非薄遽萍絮忌落帶  
小別唱渭城一聲破晴靄回望壺蘆頭地名卽偏橋長揖  
鯉魚背送客款款誠丁寧申後會丹青可傳神此情  
孰能畫

附原作

侍講曹仁虎習菴

出郭卽滄洲興與烟波遠玉河天上來一道百蟭蛻  
斗門几幾折泉源利束榷牖口喚烏篷沿河逐堤堰  
陰陰柳帶垂靡葭華偃遊情乘暇濃倦骨遇秋健  
行來運舳船那許勞緯輓吾曹儼仙舟擊汰欲忘返  
濠濮不在遠魚鳥趣自悠白露下亭臯浩然雲物秋

那知輓紅土中有桃源幽臨風溯陳迹俛仰生客愁  
十年復一到留得題襟儔癸巳歲曾借李適園宗丞  
胡澹園侍御沈郎峯宮允  
香渚給諫泛舟二開朗峯久經物故適園同遊之伴謝公愛東  
山庾亮登南樓及時且行樂逝水不可收逍遙脫巾  
坐相約尋糟邱

晚荷弄秋妍姹然見衆美逸邈偏橋灣遶郭香十里  
主賓初握手偏舟且暫艤諧談雜管泣歡笑不知止  
朱顏易過時難得花長似好風翠蓋來新涼差可喜  
清歌方問作此景能有幾一櫂出花叢蒼茫亂煙水  
蘭堂布瓊瑜四座明燈耿檀槽撥新聲翩翩舞細影

爲歡夜厭厭疑入華胥境殷勤捧卮人相對肯獨醒  
愛花未忍折嗒然已酩酊遑問秋江邊芙蓉怨孤冷  
解佩情漫通乘槎路方永明日泝波歸三星照答簪  
酒闌罷笙歌燕寢靜羣籟剪燈縱雄談抗心塵垢外  
攬袂不成眠起視曉星大告歸申後期一水達衣帶  
送客仍方舟離唱徹秋靄渡頭乍言別斜陽在鴉背  
眷茲鼓繼遊復此飛觴會瑤篇枉見貽指點詩中畫  
中秋後一日催漕至武清之楊村舟中接祝芷塘  
德麟曹習菴仁虎再登偏橋灣紀遊詩見寄復和  
韻答之並寄程魚門晉芳兼索其爽約詩

嘗笑唐棣詩未思室何遠地近尺素通不費秋蠶蠶余  
季解投轄防客如防楫二間頗近結欲回已過壩一笑  
舉千觴或燕或息偃越酒正盈船百斛扛夫健沾來如  
拱壁輦送那辭輓笑謂青瑣人莫學受餐返

我來雍奴邊河鯉何悠悠剖之得雙緘封來月中秋上  
言謝桂花中有小山幽下言謝美酒能消萬古愁中言  
苦相憶同舟誰為儔不知正挽輪日倚漕舵樓天朔催  
百鷁夕照帆始收何事兩夫子詩筒積成邱

曹子老詩伯集賢官又美文光萬丈長未可計道望我  
詩警淺瀆僅容小舳艫乃云吞雲夢譽言請亟止讀書

兼讀律駕馬馳驟似見君疊遊詩技癢輒復喜究之井

中蟻所見能有幾不觀舟字誤管水只知水余和正塘詩次章幽

字誤押舟字余固不知正塘亦忘之也今習菴來詩有小誤亦復佳正坐君才大之句故仍用幽字韻補答之

品花不在貌令人心終耿滿園紅紫爛獨愛牽牛影既

邀周郎顧胡為便出境至今望重來淚滴睡袖醒何時

再鴻雪淺斟話酪酊蕭郎非路人熱極翻似冷正塘來詩頗怪

玉堂失約黃花有興無登高趣更永寄語羨魚人網不

如筭筭

同年祝芷塘僻性喜清籟家世本華簪結念名山西身  
瘦不勝衣著述比身大有似康成廬草亦名書帶集中

寄我詩一一雲烟靄相思便相見不煩跨鶴背甚欲源  
源來肯作牛女會習菴來詩有却笑寄詩人一年許一會之句煩君問程髯  
可有詩如畫

附原作

編修祝德麟正席

知交宿昔心初不隔近遠何況縮轂州一水通蜿蜒  
我昨來訪君目無三版榭勞君遠迎送執手第五堰  
入境聞政聲仁風已草偃今晨辱和章天骨爭秋健  
良辰與高會一失孰能輓唯當煩候人詩筒五往返  
百川赴東海歲月真悠悠惟我與夫子相隨二十秋  
長篇更短韻唱和窮險幽踏雪叩荒扉一笑失百愁

中間罹憂患蓬梗飄難儔接葉何處亭看雲何處樓

接葉亭予十年前所居君官選郎日署其樓日看雲至今數陳跡淚落不可收

升沉安足道幾輩埋壟邱當時同遊者如李檢討錢王明府國梁皆久經物故

蕭郎玉亭給諫嘶口馬官興頗云美一自督運行春明若

千里昨朝聞客來各已歸舟艤牽衣苦挽留客去不

可止殷勤申後約欸素與君似俯仰塵土中聞招那

不喜煩君相問訊秋光更餘幾莫令葭荻花離披倒

煙水玉亭約於中秋前見邀而未果故及之

清景善變滅眷言心耿耿千行岸上柳曾照杯中影

我詩欲追摹難寫澄鮮境君才似崔侯詞豪義易醒

呼膠再三酌引讀破酪酏文章吾輩事自嘆生涯冷  
疑君在翰林不謂官通永獨惜潺江邊在綿州若幾家於此  
年孤笈箸

涼生庭樹枝衣裳透爽籟此時故山中天香瀟雲外  
頗聞運租船割得漣蟠大移植斗盆間鄉園風露帶  
著花雖不多一時散幽靄欲同志憂草言樹襟與肯  
急則利用要譚辭君善會乞栽本社公此例偶描畫  
昨馳書索桂詞旨激切來詩意近於  
阻而桂樹著花甚稀故解之如此

附原作

侍講曹仁虎習庵

同心悵離居翹首勞望遠結願比雲龍上下逐蜿蜒

吾友官近郊川陸此關鍵油油禾覆塍森森漲平塹  
扉門飛瀑懸橋背卧虹偃閑情比野鶴雙翮凌秋健  
初呼短艇浮暫謝輕車輓溯洄水中央乘興不知返  
仕宦隨南北我思自悠悠流光付彈指鷓蟀移春秋  
軒車有交誼豈必山林幽茲來謀把臂一鶴離羣愁  
同行多舊雨瀟灑非常儔荷香抱近郭樹影藏層樓  
卽此暢遠目勝概當前收相逢盡仙侶底事尋浮邱  
會合亦有時難得兼四美官身澣沐閑幸免阻道里  
飄然不繫舟乘風來暫曠高談驚四筵弦管聲乍止  
唱酬元白借名飲阮嵇似開襟據胡牀疎放差可喜

同年比琴星零落復餘幾  
叉手夜悄悄滴盡翎壺水  
來乘遊興濃去帶別情耿  
中流各分袂目送回舟影  
城闌一水通過從未越境  
薄暮倒載歸三日醒始醒  
長鬚致瓶罌開酌復酩酊  
雨村於三日後惜不借故  
復致南酒數種  
人對飲吟窻冷雲霞契自深  
文字交方永何時逐烟  
波浩歌扣笳箬

燕寢香未銷吟成發天籟  
想當落筆時氣吞雲夢外  
小誤亦復佳正坐君才大  
次章幽字韻君  
詩誤押舟字  
瑤箋手自書投贈此縞帶  
尚飲求友思殷殷達暮靄  
本非牛女逢差免參商背  
却笑寄詩人一年許一會  
來詩有  
願同心

年年為此會之句臨風聊寄聲情事倘如畫

附原作

編修程晉芳魚門

通路誠近游而我尚虞遠  
矧當伏秋交困卧類蟲蠖  
債家日敲門門戶不遑櫂  
有夢到江南千荷照單堰  
故書聊慰眼習禮第師偃  
余方治  
二禮  
敢詡芒屨輕未恃  
竹杖健聞有放船人綠纜  
柳邊輓快哉一日嬉各各  
扶醉返

戟門臨水鄉鴉鳴水悠悠  
朝官曳裙屐訪子如訪秋  
丁丁伐老木宛在山之幽  
迭奏席間伎初無眉際愁  
酒酣耳輪熱會且懷匹儔  
謂少雪鬚翁同凭霞外樓

好景獻當前眼福勝者收余聞亦爽然積悔成高邱  
芷塘詩老蒼人則秀而美聲名冠南州潤色擬東里  
廿載滯詞林舟不泛而艤同調皆散仙閒園呼止止  
七夕爲近期六逸良有似汀草砌前花紛然含色喜  
人生行樂耳達者今見幾狂笑俯清池魚驚出深水  
春及不見梅我心恒耿耿及至秋月圓中庭桂無影  
乃知索桂人胸次罕塵境簪花有同樂殢酒非獨醒  
似我日煎茶豈復成醪酌西風打面來墜露若冰冷  
連蜷念小山猿鶴與俱永何當片帆歸香處挂笈簪  
泛覽唱和詩清絕奏竽籟境隨烟雨變味出酸鹹外

惟其擇之精是以爲之大近聞催漕船自詣河一帶  
黃葉打秋帆疎襟上涼靄徐聽鳧鶩聲拍拍起船背  
應有詩思來浩若雲波會風便時寄余懸之當讀畫

渡潮河

潮沙白如雪灘灘立雙鷺時有羽獵人鞞鷹過橋去  
河西驛在運河北有傳舍數椽頗堪栖息因題數  
韻示武清趙明府

大經

天下勞勞處來過此地偏驛忙千馬過漕急萬帆懸衣  
染津門雨簷橫潮縣煙安瀾人共慶却喜又今年  
程魚門以詩乞余所編全五代詩依韻奉答兼索



異書

五代本無詩多附唐末朝亦或入宋初九牛纔一毛譬  
 如採蘭菊彌望皆烟苔况復蒿與艾其品益不高我生  
 好吟咏嗜古如甘醪自漢魏以還鈔校不憚勞唐宋各  
 全集彙疏頗有條中間五十年缺畧匪一朝思欲勤補  
 綴日夜筆自搖叢書獲隻字喜若逢瓊瑤祇取備文獻  
 不在格卑超手錄垂三年幾脫十甕毫鷄窻耿燈火牙  
 籤風雨飄遺文遭斷簡聚訟空相警君昔在中秘書贈  
 亦屢叨編成付裝購百軸錦鸞翹再索亦不吝詩題  
 隔宵倘更異書借聊當磚先拋

附原作

編修 程晉芳 魚門

五代誠草草遠不逮六朝禮樂征伐事若火之燎毛  
 文筆則唐餘翡翠棲蘭苕詩格如韓韋晚出乃益高  
 其他旁側見清味爭醇醪子誠有心人采掇弗憚勞  
 全體若單詞理之俾有條考核必精詣注釋連昏朝  
 哀然四大袞錦錯珠光搖昨者舉贈我寶之敵瓊瑤  
 一月讀未盡六時神已超有客來借觀謂不損髮毫  
 劍既入水去畫亦隨風飄久假不知歸徒以言訾警  
 弗憚無厭請重冀嘉惠叨子其再贈諸我已雙足翹  
 置之秘笈中玩向寒燈宵除是鬼神奪此外奚容拋

和程魚門索余所刻函海原韻

我雖生於蜀吳越長在懷十八便游浙書籍得恣窺攤  
錢向市購書賈憐我癡凡我之所欲任意攜歸齋我  
父憫其癖廣延友與師端誦同隊中不顧紉袴咄蜀  
捷文戰花樣實南來我父嘗謂人宦囊在此孩以此  
通籍後萬卷左右堆兼之好抄校志欲百家該譬如匠  
氏門長短各取材編著事裁尺兼呈鈇與規積今所儲  
畜多于魚子胎敢曰皆飽腹差勝俗士懷君書無不讀  
名久冠江淮古人多遺文幽光當未埋尚與啟箱滕鑿  
贈家藏碑博學如髯翁豈猶有未知何以仍不足

乃我儕書經秦火後灑瀚益無涯天地之大也豈能盡  
願諧充子嗜書性貪殘不讓豺而乃妙於乞來語吐琪  
瑰行將盡付君覆瓿物亦借網羅遍名山所闕吾川西  
新都夙所嗜餘書雕始開書成曰函海其卷尚未排明  
窻安大几已貯龍麝煤若問註疏事此事唯君推

附原作

編修程晉芳魚門

我生未彌月抱在母氏懷壁間懸大字瞪目如樂窺  
吾母謂此子長定爲書癡六歲上學堂戀戀於書齋  
日晡放學時長揖請於師願以燭繼續讀師乃大笑哈  
汝幼未得爾姑待稍長來戚姻傳怪事有此酸嬰孩

洎既冠成人圖史左右堆好之恒不足博取旁蒐該  
所恨資性鈍臃腫樗櫟材散錢失貫穿鞮線難縫規  
然其好書籍鮫子求珠胎有則必求觀無亦久繫懷  
自甲午秋水故册淪於淮凡十六紗縠痛絕泥沙埋  
隨身插架者缺鼎斷碣碑聞子近刊刻皆世所未知  
高過七尺身奇與二酉儕行將以書貧而未有止涯  
曷不舉以贈母使願不諧以食喂飽鷹不若投餓豺  
老至擴木聞所錫皆琦瑰子聞定韞然癖乃與已借  
驢車馱數重來問米市西我且再拜受頓覺雙眼開  
書面素箋識書口楷字排几端古香氣指上新墨燦

佐撰著惟子之功推

夏店戲幕客孫生

不違安處又行縣夜如何其此解鞍部屋偏多炙背樂  
澹帷難蔽晚風寒春燈一點或兩點積潦千灘與萬灘  
何似孫生六智慧胸中別有熱成團

望盤山同岳生作

今年三月奉 鑿時踏遍盤山未有詩坡上清塵掃松  
子澗邊駐馬整花枝巖磨 御筆詞難贊壁刻王生句  
亦奇 惟上刻明王衡盤山詩有泉爭亂今日却因山下  
擊全繫馬谷響虛岩半是松之句  
過岳生勸我補題之

十二月初六日由通州至固安

曉馬駒橋夕固安官齋新飽故人餐孤城寂寞民居少  
畫戟森嚴客到難春憶橋邊同聽水秋當河上話安瀾  
風波看慣尋常事報國唯憑一寸丹

除夕獄中寄墨莊

用東坡寄子由韻二首


雷霆天怒未回春原是皇恩再造身愧悔三更雙  
涕淚伶仃四海一孤人已成舊事何須說見換新符益  
愴神萬物向陽余向壁叅禪靜夜悟前因  
臬巾香燭冷淒淒默禱神祇首自低萬里號大憐隻雁  
一生微命笑醯鷄君恩未報遺諸子母老難歸託病

妻連理來生如再結同根總在左綿西

除夕寄唐堯春

更無鴈到潞河濱消息傳來總未真頃刻風波山我孽  
一家兒女賴君親天回陽氣年逢卯地入霜臺日受辛  
縱有椒盤鄉味薦目前誰是可言人  
先生於我似蘇黃必折出來忌太剛作賦只今數孫綽  
上書白昔笑鄒陽直由天性難更改清畏人知易中傷  
萬卷圖書煩檢取童山深處付兒藏

童山詩集 卷二十三  
三



童山詩集 卷二十三  
三

